

李文忠公全書

癸稿

卷四十九

李文忠公奏稿

卷之四十九目錄

修理熱河宮牆摺

光緒十年正月十七日

借款購備鎗礮摺

光緒十年正月十七日

機器局奏銷摺

光緒十年正月二十一日

帳房折價片

光緒十年正月二十一日

黃河修防分別造報片

光緒十年正月二十一日

滇銅運京腳價片

光緒十年正月二十一日

長蘆欠款仍難啟徵片

光緒十年正月二十一日

海防開支輪船薪糧摺

光緒十年正月二十一日
附清單

請撥南漕濟賑摺

光緒十年正月二十九日

覆奏黃河口門用機船片

光緒十年正月二十九日

議覆吳大澂赴粵摺
光緒十年二月初四日

變通朝鮮貿易章程摺
光緒十年二月十六日
附朝王覆文

查覆滹沱南岸情形片
光緒十年二月十六日

學生王慶端請卹片
光緒十年二月十六日

北運河工程摺
光緒十年三月初二日

酌保邊材籌濟軍火摺
光緒十年三月十七日

覆奏周盛傳參款片
光緒十年四月初四日

議分慶軍駐朝片
光緒十年四月初四日

議馬頰河不宜開摺
光緒十年四月十六日

議濬宣惠河摺
光緒十年四月十六日

請飭東撫築德州隄工片
光緒十年四月十六日

奏留盛宣懷片
光緒十年四月十六日

本年二月以前賑捐收數摺

光緒十年四月十六日

法越交涉議定法約摺

光緒十年四月十七日

奏保馬建忠片

光緒十年四月十七日

添設山海關電綫摺

光緒十年四月二十四日

請緩鹽課奏銷摺

光緒十年四月二十四日

李文忠公奏稿卷四十九

全集一之四十九

桐城吳汝綸編錄

修理熱河宮牆摺

光緒十年正月十七日

奏為遵

旨籌款修辦熱河

避暑山莊宮牆及泊岸堆撥等要工恭摺覆陳仰祈

聖鑒事竊臣欽奉光緒九年十二月二十三日

寄諭繼格奏熱河避暑山莊宮牆及泊岸堆撥三項工程勢難延緩請於明春修理著李鴻章籌款辦理等因欽此伏查熱河工程前經臣遵派候補知府陳慶滋馳往會同熱河道府詳細查勘稟覆又令陳慶滋來津反覆籌議擇要商辦擬挑濬武列河正身將河內挑出石子沙泥於西岸十丈外堆攔以約漫水再察酌於西

岸改道河頭加築攔水壩使水歸故道約需工費銀三萬數千兩
飭司設法挪款濟用卽令陳慶滋核實籌辦至西岸原有石壩十
二里計應修者一千十餘丈約合銀十七萬八千餘兩

宮牆塌缺應修者湊長二千八十餘丈約合銀五萬二千餘兩石
泊岸並迎水橋壩衝壞應修者湊長六十餘丈約合銀一萬九千
餘兩堆撥應修者三十八處約合銀三千餘兩統計石壩

宮牆泊岸堆撥四項共約估銀二十五萬餘兩工大費巨直庫艱
窘無力兼顧臣於上年十月閒奏請

敕部核議另行籌辦嗣經戶部奏稱部庫未裕各省亦羅掘無餘
若添撥此項巨款無論各省籌解未必應手卽使戶部悉心搜括
各督撫竭力報解設或意外之需有重於此項工費者不敢不預
爲之計請緩俟今歲春融由部酌度時局再行籌湊的款奏辦等

因奉

旨依議欽此欽遵在案茲據熱河都統繼格目擊情形以石壩可暫緩修惟

宮牆泊岸等工均屬緊要不能延緩又奏奉

諭旨著

臣籌款辦理伏查

園庭重地尊藏

列聖手澤御物

宮牆與泊岸堆撥皆所以衛護

園庭現既坍塌缺口內外相通不足以資保護誠如繼格所奏修理未可再緩惟值時艱帑絀巨費難籌直隸向係缺額豐年尙不足用況洪水大禔之餘災區過廣窮黎極多錢糧大半蠲緩又須另籌冬春賑撫銀數十萬各庫已搜羅殆盡實屬萬分竭蹶今

宮牆泊岸堆撥三項工程按照陳慶滋等原估共需銀七萬六千兩爲數不少昨藩司崧駿來津面商春撫臣復與再三籌議據稱司庫應放各

陵俸餉各營兵餉暨一切急不可待要款必須及時應付卽前議挑濬武列河正身並築攔水壩銀三萬數千兩尙無的款可指勢不能再籌七萬六千兩之多但工關緊要旣欽奉

諭旨飭辦臣等義無膜視敢不於萬難之中設法挪湊不得已商飭該司於八項旗租及旗產錢糧項下移緩就急竭力勻撥銀三萬八千兩計尙短銀三萬八千兩委實無可再籌查此工尙撥內帑興辦本年長蘆鹽課奉撥京餉銀二十五萬兩現在尙未起徵擬飭運司額勒精額先行借墊銀三萬八千兩劃抵本年京餉得以湊濟要工如此一轉移閒款項旣可有著工程及早興修

宮牆藉資保護亦免部臣戶撥協款致有停工待款之虞仰懇

天恩俯准照辦俾無遲誤臣卽飭陳慶滋前往將此三項及前議

挑武列河築攔水壩工程一併分別確細覆估責成該員會同熱

河道府迅速核實籌辦熱河被災甚重此次興工卽集附近災民

計口授食以工代賑所需工料各價必應按照時值隨宜酌給難

執例章相繩直隸歷次工賑皆奏准免造銷冊核實辦理此項要

工事同一律應請俟事竣專案開單奏報仍免造冊題銷以省繁

費臣當嚴飭承辦之員就款撙節力求堅實不准絲毫虛糜仍分

別取具保固切結送部查核至石壩工程太巨既可暫緩議修將

來應由部臣酌度時局戶籌的款奏辦以符原議所有設法籌款

辦理

宮牆泊岸堆撥等工緣由是否有當理合恭摺覆陳伏乞

皇太后

皇上聖鑒訓示遵行謹

奏

[Faint vertical text columns, likely bleed-through from the reverse side of the page]

借款購備鎗礮摺

光緒十年正月十七日

奏爲籌購西洋火器暫由出使經費項下借款墊價恭摺仰祈
聖鑒事竊惟中法相持迄無定局越南山西之戰滇軍與劉永福
所部憑城固守殺傷相當卒致退舍非鏖戰之不力實器械之未
精西人製造後膛鎗礮日新月異其速率之猛準頭之遠幾於無
堅不摧天地肅殺之氣與人世機巧之心相尋無已而彼得以其
時出奇角勝我仍因陋就簡狃於制梃撻兵之常談而不思變計
得失利鈍之懸殊不待煩言而決矣臣忝領北洋無日不以選械
詰戎爲事每與西將及出使諸臣周諮博訪一名一物必參攷眾
說而切究之積有歲月屢識端倪蓋簡器於數萬里重洋之外非
熟悉其名目之新舊機括之堅窳則所得皆他人唾餘徒糜費而
無濟於實用近年購置新式後膛鎗礮皆令駐德大臣李鳳苞及

德商斯米德訂造頗能精堅適用天津淮練各營均一律更換仿照西法操練步伍取準精益求精而滇粵閩浙防軍既少命中致遠之器卽如何操法如何用法似亦未甚講求去冬因桂軍器械缺乏會由臣營勻撥後膛鎗礮運往粵東以資關外應用惟沿邊沿海處處設防斷非北洋一隅之力所能長此接濟總理衙門與臣函商以爲多增無益之軍不如多置有用之器屬與洋商剋期訂購以備滇粵閩浙等省要需所需價值卽於出使經費項下暫行挪付將來何處需用鎗礮卽由何處按價撥還誠爲通變權宜之至計臣卽督飭軍械委員與斯米德酌訂合同分投德美奧各廠定購克鹿卜後膛過山鋼礮一百二尊哈乞開司六響後膛快鎗五千桿毛瑟後膛步鎗五千桿應配子彈佩帶架具零件俱全分別限期運解來津約共價銀四十餘萬兩隨飭江海關道於出

使經費項下分起借付查過山礮於南方行戰最宜哈乞開司毛
瑟等鎗爲德美各國著名精器俟購運將到臣卽咨商滇粵閩浙
各督撫臣先定分撥之數並令按照原價籌款領器以清借項仍
俟還款有著再行訂購則要款既不至虛懸而利器亦陸續增備
洵屬一舉兩得惟後膛鎗礮機件靈巧操法尤極精詳各省得此
有用之器果能嚴督將士細心練習於以折衝制勝庶幾稍有把
握耳除將價目細數分咨總理衙門戶兵二部查照外所有借用
出使經費購備西洋火器緣由理合繕摺具陳伏乞

皇太后

皇上聖鑒謹

奏

出中至... 德... 大... 山... 谷... 具... 庚... 火...

... 德... 大... 山... 谷... 具... 庚... 火...

... 德... 大... 山... 谷... 具... 庚... 火...

... 德... 大... 山... 谷... 具... 庚... 火...

... 德... 大... 山... 谷... 具... 庚... 火...

... 德... 大... 山... 谷... 具... 庚... 火...

... 德... 大... 山... 谷... 具... 庚... 火...

... 德... 大... 山... 谷... 具... 庚... 火...

機器局奏銷摺

光緒十年正月二十一日

奏爲天津機器局光緒八年分動用經費各款循案開單奏報恭摺仰祈

聖鑒事竊查天津機器局經費奏明動撥津海東海兩關四成洋稅作正開銷光緒六年九月經臣奏明由戶部月撥邊防餉銀一萬兩接濟截至光緒七年分止業經督飭局員將支銷款目查照歷屆成案開列簡明清單具奏並飭將每年成造軍火器具數目造冊咨送總理各國事務衙門備查在案臣查上年戶部奏定章程光緒八年十二月以前各省未經報銷各案向開單者仍開單等因茲據承辦局務津海關道周馥候補道許其光潘駿德等詳稱光緒八年因舊建蒲口藥庫儲藥已滿復在韓家墅地方勘建新藥庫一所規制與蒲口無異舊建錕水廠鉛房尙小復建新廠

一所以鉛房六間蒸氣用料少而出水多最爲合算機器庫硝庫鐵庫暨庫樓住房約添四十餘間廠棚三十間局東面移拓圍牆共築新牆四百四十丈濬河培隄以資環護此建置廠庫大略也仿造神機營應用車牀等二十座各營局礮車架地車等三十八副局內自造開彈槽絡電綫等器十餘座此增製機器大略也製成軍火計仿西洋各式火藥六十八萬九百二十五磅銅帽二千八百十萬顆毛瑟後膛鎗子三百六十六萬五千顆修成洋鎗三千四百四桿前膛開花凝鐵礮彈一千七百四十二箇後膛銅箍銅托礮彈七千三百二十六箇鐵羣子一百五十箇各式銅引八千三百五十八箇熬煉錫水碾捲銅皮共四十二萬餘磅雜器分晰約成三萬五千餘件近年海防各船多係新式巨礮子彈大至五百餘磅往往一彈兼數十彈之工銅引亦然其演放水雷所需

電器電綫如法仿製均有成數一切動用經費上屆報銷案內原存銀三萬十一兩三錢七分二釐五毫五絲七忽存料約值銀二十萬二千兩本屆八年分共領海關四成洋稅及部撥邊防餉銀二十六萬六千兩又收各省劃還軍火等價銀三萬一千七百六十八兩二錢二分二釐共支用銀二十六萬六千九百六十九兩五分一釐一毫七絲四忽仍存銀六萬八百十兩五錢四分三釐三毫八絲三忽存料約值銀二十萬五千兩歸光緒九年分接支惟製造向宗西法器料半出外洋並無例價可循支撥各船局各款並屬要需與局中用項均係竭力搏節實用實銷毫無浮冒開單籲請援案具奏前來臣查該局八年成造之件大致與前年相仿工程興作較繁而用項頗爲節省據詳各節臣覆加查覈委無虛飾相應援照向章繕具簡明清單恭呈

御覽合無仰懇

天恩敕部查照成案准銷除分咨戶兵工各部暨咨總理各國事務衙門備查外所有天津機器局光緒八年分動用經費據實開單緣由理合恭摺具陳伏乞

皇太后

皇上聖鑒訓示謹

奏

帳房折價片

光緒十年正月二十一日

再准工部咨准勇馬步營哨帳房水師帳篷向係製造本色給發光緒七八兩年改發折價經部於核銷淮勇第十案軍需摺內聲明嗣後仍應製辦帳房此次八年分案內折價應咨該督自行酌核辦理等因臣查淮軍馬步營哨帳房水師帳篷於光緒七八兩年改發折價係因駐防各有定所搭蓋營棚棲止以避風雨暫從各營所請因時制宜折價給領以便自行苫蓋修理仍與帳房例價無浮迨九年春各營閒有征調仍一律製造本色給發所有八年分折價早經放訖於第十一案造冊報銷

奏咨在案若改爲製造本色請銷必多遷就轉非核實之道自應仍照准銷嗣後征防營哨概以製造本色給發以清界限理合附片具陳伏乞

黃河修防分別造報片

光緒十年正月二十一日

再准工部咨開光緒元年
起歷屆東明黃河南隄修防用款應按
限造報等因當經轉行核辦茲據大順廣道恭鈞詳稱東明黃河
南隄係於光緒元年勸民創築次年調派淮練各軍加高培厚所
需津貼民夫及搶險椿料犒賞等項除山東撥款由該省奏免造
報外其餘由直籌給奏明就款開除一體免其造報至二年以後
直省修防用款係按照直隸附省隄河成案於汛後開單奏報無
庸估銷截至八年止均經奏奉

諭旨允准今查歷年辦工各員或已升調或因事故離直勢難紛
紛調取且當時未悉河防規例皆係實用實銷現今補行造冊如
仍據實開載則與歷次奏報清單毫無區別重複造報徒繁案牘
如改照例價則必牽合通融不足以昭核實應請自光緒九年起

仿照豫省黃河例案成規造具冊結估銷其八年以前已經准銷用款仍無庸造報以免紛更等情具詳前來臣查東明黃河工程事屬創辦從前僅令練軍遇汛到工汛過歸伍並非專責防隄無從預期估報事後造銷旋因溜勢日益南趨險工疊出於七年始設廳汛一切皆係試辦實難牽合成例所有八年以前用款臣隨時考察毫無虛糜均經開單奏報欽奉

俞旨免造銷冊在案自應無庸再行造報俾省繁費其自光緒九年起應令該道廳仿照豫省黃河例案成規造銷以清界限除八

年以前准銷各案奏報緣由及奉

旨日期明晰聲敘咨部外理合附片具陳伏乞

聖鑒訓示敕部知照謹

奏

滇銅運京腳價片

光緒十年正月二十一日

再准戶部咨開滇省試辦京銅到直後由津運通應需水腳等銀應按起分晰造冊送部核辦等因當經轉飭遵照茲據藩司崧駿津海關道周馥天津道裕長詳稱滇省從前辦運京銅由津起剝均係該省運員自行經理天津縣僅代雇船隻所需剝費亦由滇省報銷今改由海運部議由直將自津至通運費核實酌定給發當因直省並無轉運滇銅支銷案據擬照采買洋銅運京成案每起一百萬斤支給水腳銀一千二百四十兩旋准部覆令將由津至通剝費按照以前辦運滇銅之例給發其由紫竹林至天津縣應需腳費查明程途若干照采買洋銅腳費銀數扣算該司道等查采買洋銅成案自紫竹林運至通州每百斤准銷水腳津錢九百文計每里應支津錢二文七釐一毫合銀七毫七絲今滇銅每

起一百萬斤自紫竹林運至天津縣十二里應支水腳銀九十二兩四錢又例載銅鉛起剝由天津縣至通州每百斤給銀六分九釐以一百萬斤計之每起應支銀六百九十兩又每起雇緯工價銀二百四十兩又由紫竹林卸船上棧每百斤例給背銅夫價銀三釐每起應支銀三十兩又入棧雇夫收銅過秤儲堆捆包每百斤給夫價銀一分每起應支銀一百兩又由紫竹林離棧下船每百斤給背銅夫價銀三釐每起應支銀三十兩綜計每起滇銅一百萬斤由紫竹林運至通州例支剝費夫價等銀一千一百八十二兩四錢惟雇備夫船一切皆須民價抵通後又應等候交卸另給船戶津貼例價較少已不敷用若再按減放章程祇發六成實銀所短過鉅轉運必致爲難請將每起例支剝費夫價等銀一千一百八十餘兩按照十成實銀給發等情具詳請

奏前來臣查所詳係屬實情應請准給十成實銀以示體恤庶免經手之員虧賠別滋流弊理合附片具陳伏乞

聖鑒訓示敕部查照謹

奏

[Faint vertical text columns, likely bleed-through from the reverse side of the page]

長蘆欠款仍難啟徵片

光緒十年正月二十一日

再長蘆應徵補欠積欠二款係嘉慶道光以前參商欠項於道光二十八年清查案內議令現商按引攤交前因商累已深奏准自同治十三年起停徵五年嗣復推展五年在案扣至光緒九年十二月限滿據運使額勒精額詳稱現值時艱帑絀多籌一分進款卽多濟一分之用此項補欠積欠但可設法啟徵必應竭力催繳無如道光二十八年增定科則以後又加徵復價等項核計每引交款過多本甚喫力且引岸頻遭災歉去年夏秋復被大水銷滯運艱鹽價繩蓆車船腳費無不昂貴綱情益窘本商應完課款尙未能依限全交實無餘力代還遠年參商舊欠業將蘆綱艱苦情形疊次詳奏有案若將補欠積欠遽議啟徵各商萬難支拄必礙現年課款據通綱商人瀝情籲請推展該司詳加體察不得不從

奏稿四十九
三
緩議徵請照案自光緒十年起展限五年俟限滿再行察酌核辦
等情具詳前來臣覆核係屬實情應請准如所詳辦理藉紓商困
所有長蘆補欠積欠二款仍難啟徵請展限五年緣由理合附片
具陳伏乞

聖鑒訓示謹

奏

海防開支輪船薪糧摺

光緒十年正月二十一日

奏爲北洋海防經費項下開支現有各輪船薪糧公費數目開單仰祈

聖鑒事竊准兵部咨輪船支款章程有未經奏明者應令奏明核銷等因當經轉行遵照茲據海防支應局司道詳稱光緒元年至六年北洋海防經費報銷案內開支輪船薪糧公費係龍驤虎威雷霆策電鎮北鎮南鎮東鎮西蚊礮船八號及水雷小艇一號其龍虎雷霆四船業於光緒六年二月撥赴南洋調遣該四船薪糧公費自是年三月起由南洋支發光緒七年以後先後購到超勇揚威快碰船兩號鎮中鎮邊蚊礮船兩號並由閩廠咨調來津修改練船之威遠康濟兵輪船兩號調赴朝鮮旅順等處差遣轉運之海鏡商輪船一號及在滬製造之快馬小輪船一號在津製造

之利順小輪船一號守雷下雷所用之暗輪包銅小輪船兩號均歸北洋海防經費項下開支內鎮中鎮邊兩船先由北洋墊給俟山東撥解歸還此陸續購調各船之數目也事屬創辦應需薪糧公費均爲向例所無必須再三參考酌定是以先未詳奏惟光緒六年以前各船支數業於七年三月間分晰造報總理衙門戶部有案近又遵照新章另造分銷清冊詳請咨部至調赴南洋龍虎霆電四船既於六年三月以後歸南洋支發其支款有無變通應由南洋核辦外合將北洋現有各輪船支款章程詳細開單呈請奏咨等情具詳前來臣查北洋創設水師購置蚊礮快碰水雷船艇均爲向所未有一切支款並無例章可循卽威遠兵輪閩廠雖有支款數目而旣調津改作練船又與兵輪有異必須因事制宜亦不能盡照閩章支發凡各船到津後皆由臣察看船隻之大小

噸載之輕重機器礮位桅帆器械之繁簡酌擬人數餉數又以造
端不易復與統領水師及教習洋員再三參酌分別損益務使利
器可得實用經費不致浮糜現定各船支款章程雖規模未臻完
備然皆稱事授精力求核實樽節嗣後如有變通增減之處再隨
時酌核妥辦並咨部立案除將詳細清單咨送兵部外謹開各船
支款簡明清單敬呈

御覽伏乞

皇太后

皇上聖鑒敕部知照謹

奏

皇土聖德...

皇太子

皇太子

皇太子

皇太子

皇太子

皇太子

皇太子

皇太子

謹將北洋海防經費項下開支現有各輪船薪糧公費數目
繕具簡明清單恭呈

御覽

超勇快碰船每月支薪糧公費銀二千八百二十二兩

揚威快碰船每月支薪糧公費銀二千六百七十二兩

鎮北蚊礮船每月支薪糧公費銀九百七十八兩

鎮南蚊礮船每月支薪糧公費銀九百六十八兩

鎮東蚊礮船每月支薪糧公費銀九百七十八兩

鎮西蚊礮船每月支薪糧公費銀九百六十八兩

鎮中蚊礮船每月支薪糧公費銀九百七十八兩

鎮邊蚊礮船每月支薪糧公費銀九百六十八兩

威遠練船每月支薪糧公費銀一千九百九兩

奏稿四十九
五
康濟練船每月支薪糧公費銀二千五十九兩

海鏡商輪船每月支薪糧公費銀一千二百四十六兩

快馬小輪船每月支薪糧公費銀三百八十二兩

利順小輪船每月支薪糧公費銀二百七十一兩九錢

水雷小艇每月支薪糧公費銀八十六兩

守雷下雷小輪船二隻每月共支薪糧公費銀四百十八兩

請撥南漕濟賑摺

光緒十年正月二十九日

奏爲順直窪區積水未消民情困苦懇

恩賞撥南漕以濟春賑恭摺仰祈

聖鑒事竊順直各屬上年伏秋大水計被災歉者一百零九州縣
仰蒙

恩旨蠲緩糧租疊次

賞撥銀米並由臣等設法籌款辦理冬賑均經奏報在案茲查高
地雖已涸復種麥窪區積水仍未盡消小民旣乏蓋藏又無麥收
可指嗷嗷待哺困苦益深此後爲日方長必須妥爲撫綏俾免委
填溝壑據順屬災重之通州等十餘州縣直屬災重之天津等二
十餘州縣紛紛請撥銀米賑撫並擇要開濬河道修補隄工疏消
積水使少壯者傭趁餬口以工代撫現已派員分投查辦但災區

既廣戶口極繁工程亦多業經督同司道在藩運關各庫竭力搜羅並將各省捐款湊用而核計所短尙巨直隸向係缺額豐年且有不敷況值大祲之餘疊次湊撥賑款現實無可再撥順天更形艱窘民命關係至重不得不作發棠之請臣於年前豫籌春賑摺內已聲明屆時奏乞

恩施茲查蘇浙本屆新漕開兌較早指日運津順直近隸

皇畿夙蒙

加惠飢民謀生乏術望

澤尤殷合無籲懇

天恩賞撥江蘇浙江漕米各五萬石共十萬石卽就招商局輪船運津之米就近截撥責成天津道裕長會同籌賑局驗收順直酌量分用由臣等督飭各屬詳察災區輕重及時勻撥遴委妥員會

同地方官確查戶口核實散放並分別以工代撫務使實惠及民
不准絲毫弊混其隨漕輕齎等項及剝價銀兩經剝耗食米石並
循案飭由各該糧道核數提扣解直津貼運費本屆蘇浙起運漕
糧較上屆之數增多今請截撥十萬石於京倉似無所損而順直
災黎藉資接濟所全實多如蒙

俯允所請仰祈

明諭宣示益足固民志而廣

皇仁理合會同兼管順天府府尹臣畢道遠順天府府尹臣周家

楣恭摺由驛陳請是否有當伏乞

皇太后

皇上聖鑒訓示施行謹

奏

三十一
三十二
三十三

三十四

三十五

三十六

三十七

三十八

三十九

四十

四十一

四十二

覆奏黃河口門用機船片

光緒十年正月二十九日

再欽奉光緒九年十二月二十二日

寄諭御史趙爾巽奏酌擬山東河工辦法各摺片所請飭撥機船
開挖口門是否可行著李鴻章左宗棠陳士杰酌議具奏等因欽
此伏查北洋前由德國訂購挖海大機器船一隻取名導海廠價
運費約需銀十四萬兩長二十一丈寬四丈其運動輪機有四百
匹馬力可挖深至三丈六尺專為疏濬旅順口而設現據李鳳苞
電報甫由西洋開駛尙未到華旅順係北洋水師口岸重地必須
將口門及東西兩澳開挖深廣使兵船便於駐泊庶海上巡防之
水師方有歸宿約計工程非一二年所能告蒞勢難撥赴山東試
挖黃河致誤海防要工且此船係在清水挖用於黃流渾濁不宜
轉致損傷機器大抵治河之法築隄東水攻沙與用機船濬通海

口可以並行不悖聞秦西另有挖濁河之機器船東省是否合用
應否向西洋訂購應由撫臣訪查酌辦至秦安兵船因提督吳長
慶駐軍朝鮮並威海旅順各口工作正繁前已派令該船往來接
遞文報轉運軍需如吳淞口機船能以到東試挖或須接濟煤米
再察看海防緩急暫時酌派往助但由海外運煤非南購於煙臺
卽北購於開平勞費頗多仍不若以東省內地煤米用民船順流
而下剝運接濟較爲省便除咨山東撫臣查照外理合附片覆陳
伏乞

聖鑒謹

奏

議覆吳大澂赴粵摺

光緒十年二月初四日

奏為遵

旨酌度情形妥籌覆陳仰祈

聖鑒事竊臣承准軍機大臣密寄正月二十九日奉

上諭吳大澂奏滇桂邊防緊要請准率所部前往廣西會同籌辦一摺該京卿所部各營原擬駐紮欒樂一帶如調赴廣西該處沿海各地方應派何軍填紮直隸防營是否足資分布著李鴻章酌度情形妥籌具奏等因欽此遵查直隸沿海地方寬闊切近

京畿籌防必須嚴密臣所部淮軍留防直境者一萬五千餘人專力注重天津及大沽北塘蘆臺一帶間以本省練軍設有警急尙可自為援應至由通州至山海關六百餘里為京東大道距津稍遠永平一屬處處濱海空虛無兵僅山海關之甯海城有總兵葉

志超所統正定練軍馬步四營頻年修築礮臺工甫就緒人數太單孤懸可慮查六年防俄之役鮑超以萬餘人分紮灤樂曾國荃以萬人督防榆關聲勢聯絡蓋近畿重地必須有重兵相爲犄角以備不虞去冬臣正籌議閒適吳大澂奉

命來津卽與商定該軍四千餘人俟春融移紮灤州樂亭昌黎等處專防東路若有戰事臣再由津派隊馳往援擊當可無誤事機臣與吳大澂各有

奏報在案茲該京卿以後膛鎗礮練習已精奏請率師赴粵出關會同籌辦誠如

聖諭奮勇可嘉惟直隸爲

畿輔根本之地兵力本不甚厚卽添吳大澂一軍亦未敢謂周密無閒萬無一失但彼所部皆係淮勇與臣軍氣誼易投必能同心

戮力捍禦門戶儻

聖意權衡輕重必欲調赴廣西則全局所關自難以京東一隅之防致阻其一往無前之氣查有前甘肅提督曹克忠新募津勝六營月內計可成軍前擬令赴煙臺該處現經山東撫臣陳士杰親往布置完備似可酌量移調應飭其拔赴昌黎樂亭一路擇要扼紮認真訓練以備緩急該軍僅三千人力量頗單容再相度敵情隨時察酌機宜另籌添調俾資援助斯於萬不得已之中勉求兼顧兩全之策是否有當仍候

聖明裁斷施行再奉

諭旨垂詢該軍淮勇吉林旗丁於蠻煙瘴雨之鄉是否相宜不可不慮等因據吳大澂函稱該部吉林旗丁民勇不過五十餘人如果赴粵可准其告假資遣回東淮部將士皆願從征不敢畏避煙

瘴等因想必體察下情分別辦理所有遵
旨酌度籌辦緣由謹繕摺由驛密陳伏乞

皇太后

皇上聖鑒訓示謹

奏

變通朝鮮貿易章程摺

光緒十年二月十六日

奏爲中國朝鮮商民貿易章程第四條現應變通酌改庶與英德各約不致軒輊恭摺仰祈

聖鑒事竊查光緒八年奏定中國朝鮮商民貿易章程第四條內載朝鮮商民除在北京例准交易中國商民准入朝鮮楊花津漢城開設行棧外不准將各色貨物運入內地坐肆售賣等語原因朝鮮風氣未開若華洋各商運貨入彼內地恐生疑阻乃上年十月閒朝鮮與英德續訂條約載明英德商民准將各貨運進內地出售及購買一切土貨是彼已無疑阻之心若中國商民轉不得運往朝鮮內地旣與體制未符亦於商情未協且中國優待屬邦若朝鮮商民前來中國內地賣貨亦應視同華民均霑利益經臣督飭津海關道周馥悉心酌核擬請嗣後中國商民准其持照將

中國貨洋貨運入朝鮮內地售賣不得有遜於英德諸商其朝鮮商民亦准持照將朝鮮貨洋貨運入中國內地售賣照華商逢關納稅遇卡抽釐近年華商運洋貨入內地有不願逢關納稅遇卡抽釐而願先完一子口半稅者業已准行儻朝鮮商民願領洋貨入內地稅單冀免內地釐稅者亦聽其便以示優待一體之意其請領執照各按已定章程辦理未領執照不准擅入內地仍禁止兩國商民不准在內地開設行棧坐肆售賣以示限制至兩國商民欲入內地采買土貨仍按原定通商章程照納沿途應完釐稅毋庸議改如此辦理與待華商無分輕重於體恤屬邦之道更加周至而於體制名分亦相符合查原議中國朝鮮商民貿易章程內開此次所定貿易章程姑從簡約以後有須增損之處應隨時由北洋大臣與朝鮮國王咨商妥善請

旨定奪施行等語臣卽據詳咨商朝鮮國王去後茲准該國王覆稱中國商民將貨運進朝鮮內地出售允合事宜朝鮮商民前來中國內地賣貨中國視同華民一律同霑利益賣出

天朝體恤屬邦無分內外之盛意極庸感激請轉

奏定奪等因前來除咨會總理衙門並咨行各省關一體查照外謹錄該國王覆文恭摺具陳伏乞

皇太后

皇上聖鑒訓示謹

奏

軍火部

查軍火部前奉 諭旨 著即裁撤
其所有軍火 悉數撥充 陸軍部
以資 訓練之用 欽此
在案 茲據 陸軍部 奏稱
軍火部 前奉 諭旨 裁撤
其所有 軍火 悉數 撥充
陸軍部 以資 訓練 之用
欽此 在案 查 軍火部
前奉 諭旨 裁撤 其所有
軍火 悉數 撥充 陸軍部
以資 訓練 之用 欽此
在案 茲據 陸軍部 奏稱
軍火部 前奉 諭旨 裁撤
其所有 軍火 悉數 撥充
陸軍部 以資 訓練 之用
欽此 在案

中國大總統 員中 國列 國 華 天 一 律 同 等 權 益 在 內

中國商務 與 外國 通商 均 有 天 然 中 國 主 權 不 受 侵 犯

謹將酌改中國朝鮮商民貿易章程第四條朝鮮國王覆文
照錄恭呈

御覽

朝鮮國王爲咨覆事承准貴署大臣咨開上年朝鮮與英國德國
原議條約只准運貨進出海口不准運入內地故前議中國朝鮮
水陸貿易章程於第四條內載明朝鮮商民除在北京例准交易
與中國商民准入朝鮮楊花津漢城開設行棧外不准將各色貨
物運入內地坐肆售賣等語原因朝鮮風氣未開若准華商運貨
入彼內地英德諸國將必援引續請徒使朝鮮多生疑阻現在朝
鮮新與英德續議條約旣載明英德商民准其將貨運進內地出
售而中國商民轉不得運往朝鮮內地旣與體制未符亦於商情
未協此條自應變通酌量更改且中國優待屬邦朝鮮商民前來

中國內地賣貨者中國亦應視同華民一律同霑利益擬請嗣後中國商民准其持照將中國貨洋貨運入朝鮮內地售賣不得有遜於英德諸商其朝鮮商民亦准持照將朝鮮貨洋貨運入中國內地售賣照華商逢關納稅遇卡抽釐近年華商運洋貨入內地有不願逢關納稅遇卡抽釐而願先完一子口半稅者業已准行儻朝鮮商民願領洋貨入內地稅單冀免內地釐稅者亦聽其便以示優待一體之意其請領執照各按已定章程辦理未領執照不准擅入內地仍禁止兩國商民不准在不通商之內地開設行棧坐肆售賣以示限制至兩國商民欲入內地采買土貨仍按上年原定通商章程照納沿途應完釐稅毋庸議改如此辦理與待華商無分輕重於體恤屬邦之道更加周至而於體制名分亦相符合將酌議更改緣由咨商查核辦理見覆施行等因准此當

經發付督辦交涉通商事務閔泳穆等覆議茲據閔泳穆等啟稱
竊伏奉傳下北洋大臣咨商一本謹行查閱所有嗣後中國商民
准其持照將中國貨洋貨運入朝鮮內地售賣朝鮮商民亦准持
照將朝鮮貨洋貨運入中國內地售賣照華商逢關納稅遇卡抽
釐近年華商運洋貨入內地有不願逢關納稅遇卡抽釐而願先
完一子口半稅者業已准行儻朝鮮商民願領洋貨入內地稅單
冀免內地釐稅者亦聽其便一節查前年

奏定中國朝鮮水陸貿易章程第四條內載不准將各色貨物運
入內地坐肆售賣等語業經遵行而現在英德新約旣載明英德
商民准其將貨運進內地出售則中國商民自應准其將貨運進
朝鮮內地出售以符體制而協商情如此變通酌改允合事宜至
朝鮮商民前來中國內地賣貨者中國視同華民一律同霑利益

之處直出

天朝體恤屬邦無分內外之盛意益加周摯極庸感激合將章程酌改案件一體恪遵辦理具由覆啟等情據此核閱無異相應咨覆貴署大臣請煩轉

奏定奪施行須至咨覆者

光緒十年正月二十六日發二月初九日接到

查覆滹沱南岸情形片

光緒十年二月十六日

再臣欽奉光緒九年十二月初三日

寄諭都察院奏直隸民人耿學卜等呈控攔河築壩傷斃多命一摺卽著嚴行查辦據實具奏等因欽此遵查此案係獻縣滹沱河南岸大章等村民於上年八月初糾集數百人鳴鑼吹角執持鎗礮駕駛多船擁至北岸扒掘官隄一面施放鎗礮拒敵北岸守隄之民力不能禦促令礮船駛往馳救始則好言勸阻繼以空礮恐嚇皆置不顧其時隄之存亡與下游九州縣田廬民命危在呼吸不得已開礮抵格始行解散聞有落水傷斃者當經臣查明辦結將案情始末實在情形詳細具奏奉

旨知道了欽此欽遵在案旋奉

寄諭後又派道員金福曾前往詳切覆查實係南岸村民糾眾扒

隄施放鎗礮拒敵被格會奪獲火鎗刀械多件供證確鑿該府縣稟報卷據皆同與訪查情節悉相符合耿學卜等原呈所稱逃難過河被北岸妄稟致傷各節均係事後捏控飾詞逞刁毫無影響至原任河閒府知府陳崇砥於河閒八里橋一帶所開引河本欲引滹水由古羊河入子牙但形勢不順非惟無益反受子牙倒漾之患疊經臣派員勘度於光緒七年在獻縣朱家口另開新河滹水復子牙故道下游九州縣受益甚廣其北岸河頭因古羊斷流是以築壩使水趨歸新河乃河工一定辦法該縣南岸四十餘村本居窪下適傍滹沱上流久被漲漫固由地勢使然而被災情形甚屬可憫未忍膜視業飭金福會與清河道史克寬詳細察勘妥籌疏治擬於北岸建滾水壩盛漲時減水三分北走古羊冀於下游大局無礙並補築南隄缺口及滏陽河隄移建雙村閘座凡此

皆於無可設法之中思爲南岸竭力補救庶得稍輕水患已飭籌
款照辦現在窪地積水次第涸消尙可補種春麥仍妥爲撫綏分
別平糶散賑藉工代撫以舒積困於萬一合再據實覆陳伏乞

聖鑒謹

奏

奏

奏

臣等謹將... 奏

... 奏

... 奏

學生王慶端請卹片

光緒十年二月十六日

再准出使德國大臣李鳳苞咨呈稱出洋學生王慶端於光緒九年十一月二十九日在法國巴黎寓次病故飭派隨員參將陳季同前往看視詢據同寓學生魏暹等聲稱王慶端在橋路學堂肄業夏閒放假三箇月游歷法國各境詳覽船塢工程海濱低溼天時寒暖不常病源卽由此起回至巴黎趕繕游歷日記復與官學諸生競力功課繪算圖說嘗至夜分不睡前七八日左臂疼痛欲折飲食漸減經洋監督日意格爲租醫館調治病勢日重臂腫益劇遂至不起查醫案云該生徧體發燒神情恍惚時作怔忡煩躁之態係屬用心過度難以施診除棺殮交法公司船運送回閩外查王慶端係閩廠前堂學生經前船政大臣沈葆楨考取入堂勤勉聰穎於數學機器法文繪算精通光緒七年續派出洋入塘塢

橋路官學潛心肄習竟可與洋生同試取列高等該官學師儒贊美同聲今因攻苦病歿親老子幼尤堪憫惻咨請照案奏卹前來臣查光緒二年奏定選派船政生徒出洋肄業章程內開各生因攻苦積勞致有不測之事酌量附奏優卹等因今王慶端選派出洋數年學業已有成效乃以勤苦致疾殞命外洋殊爲可惜相應據情奏懇

天恩俯准敕部從優議卹以慰羈魂而勸來學謹會同船政大臣詹事府少詹事臣何如璋附片陳請伏乞

聖鑒訓示謹

奏

北運河工程摺

光緒十年三月初二日

奏爲通州張家灣池東之北運河新衝河道現擬撥款挑挖通暢並將舊河頭堵塞以利漕運恭摺仰祈

聖鑒事竊通州張家灣池東之北運河上年伏秋大汛自蘇莊至姚辛莊衝開新河一段溜勢頗暢舊河已形淤墊臣等以事關漕運應否徑由新河行走抑仍疏濬舊河疊飭漕運通判通州知州查勘並令通永道薛福辰督飭各員勘估籌議茲據該道薛福辰詳稱舊河自上口至下口長六千四百餘丈形勢迂曲大半淤墊業已斷流若欲挽復工大費鉅應毋庸議新河自上口至下口長七百二十四丈兩頭均與舊河相接形勢順直舟行便利全河大溜均循新河而下惟河身係自行衝開河底不能一律深通寬自二十餘丈至十丈不等深自丈餘至二三尺不等察看河面毋庸

展寬河底深至四尺以上者亦毋庸開深其僅止二三尺者計有三百丈行船尙須剝淺亟應設法挑挖但溜勢甚急施工不易若築壩阻溜使水暫行舊河以資工作核計需費不少現擬製造新式鐵口刮泥大板用牛騾之力在兩岸拖拉並招募熟悉水工大畝土夫同力合作令其一律通暢約需工費庫平實銀二千二百兩係屬竭力撙節至舊河頭不堵恐盛漲分流河形又有遷徙應堅築攔水壩兩道及挑平新河頭土阜一座並聲明新河所佔民地應以舊河身淤出地畝相抵等情詳請核示前來臣等查所擬辦法均合機宜應卽照辦除舊河築壩工費由直賑項下籌撥外其挑挖新河工費銀二千二百兩事關漕運擬請由倉場衙門庫存輕齎銀內照數籌撥此項水工係以牛騾之力駕板拖拉非尋常估計土方可比請免照例造冊報銷以昭核實現在蘇浙漕糧

陸續到津亟須轉運赴通工程緊要須於三月十五日前後辦竣方免誤運俟奉

旨後卽行發款飭由通永道薛福辰督同委員核實趕辦臣等與

臣錫珍游百川往返咨商意見相同理合會同倉場侍郎臣錫

珍臣游百川兼管順天府府尹臣畢道遠順天府府尹臣周家楣

恭摺由驛具陳伏乞

皇太后

皇上聖鑒訓示謹

奏

三十一

三十二

三十三

三十四

三十五

三十六

三十七

三十八

酌保邊材籌濟軍火摺

光緒十年三月十七日

奏爲遵

旨酌保邊材並籌濟軍火恭摺密陳仰祈

聖鑒事竊臣欽奉三月十二日

寄諭前有旨令潘鼎新署理廣西巡撫剋日馳往接統徐延旭所部各營邊事正殷需才孔亟潘鼎新到粵後必須有人相助爲理著李鴻章於各將領中擇其堪勝邊疆提鎮之任者據實保奏一二員聽候簡用粵軍所用軍火等項極關緊要並著設法接濟毋任缺乏等因欽此仰見

朝廷遴選將材蒐討軍實至意欽服莫名查潘鼎新前統淮軍歷勦粵捻各匪戰功夙著茲蒙

恩移署桂撫接統徐延旭所部自能相機妥慎籌辦惟其舊部鼎

營遣撤已久由湘赴粵恐乏宿將隨往邊軍潰敗之餘整頓不易
諭旨詢及須有人相助爲理洵屬切要之圖現值海防喫緊各處
統軍得力之員礙難更動臣姑就平日所知者量加選擇查有遇
缺題奏提督現署直隸通永鎮總兵唐仁廉湖南東安縣人前隸
鮑超部下著名驍勇嗣隨臣勦辦東西各捻上年丁憂經臣奏留
署鎮督防北塘海口馭軍有方英鷲善戰又記名提督現任貴州
安義鎮總兵周壽昌安徽桐城縣人隨勦多年屢經大敵訓練精
明戰守可靠前已緘商潘鼎新酌量奏調該二員年力正強熟諳
戎機似均堪勝邊疆提鎮之任且與潘鼎新曾共征役氣誼投洽
操用洋械亦知講求謹據實臚陳伏候

聖明采擇至粵軍所用軍火本少精利之品前敵疊經挫退遺失
必多亟須酌籌接濟臣上年夏閒在滬曾撥給潘鼎新毛瑟後膛

鎗一千桿該撫計當隨帶入粵又去冬奏撥滇桂各軍甯局仿造
兩磅過山礮十尊林明敦後膛鎗一千桿士乃得後膛鎗二千桿
配齊子彈各項於今春二月開凍後分批航海解粵適准總理衙
門函屬酌濟潘鼎新所需軍火因電商兩廣督臣張樹聲全數截
留梧州轉運局就候提用並咨明潘鼎新知照可備目前急需俟
臣續購大批後膛鎗礮六七月閒到滬容再遵
旨設法撥濟勿任缺乏理合繕摺由驛覆陳伏乞

皇太后

皇上聖鑒謹

奏

[Faint vertical text columns, likely bleed-through from the reverse side of the page]

覆奏周盛傳參款片

光緒十年四月初四日

再臣欽奉三月二十五日

寄諭有人奏風聞現在天津統帶淮軍之湖南提督周盛傳盤剝兵丁異常刻苦該提督行爲跋扈李鴻章受其挾制等語天津屏蔽京師關係甚重周盛傳統帶防軍是否得力所參各節有無其事著李鴻章悉心察看據實具奏原片著鈔給閱看等因欽此伏查湖南提督周盛傳於咸豐年間在廬州西鄉團練鄉勇屢擊敗粵捻大股以能戰名同治元年臣飭募盛字營赴上海協剿蘇常髮逆嗣復調勦東豫鄂皖直五省捻匪以次蕩平隨由陝西移直布置海防歷年築新城造礮臺濬河屯田工作之暇操練各種後膛鎗礮精益求精盛軍利器足與西洋相埒實爲各省防軍之冠

臣疊經

奏明有案通政使司通政使吳大澂去冬近駐新城知之最悉本年正月閒奏稱就中國統兵大員而論熟知外洋軍火得失惟周盛傳爲最所統盛軍爲臣部最得力之師非虛語也原片稱盤剝兵丁異常刻苦營中食用之物皆設有鋪店擡價壓銷在口糧下坐扣致各兵貧乏不堪等語查淮軍定章各營食米向由統領派員赴南省購運俾臨敵行軍不至乏食仍連價腳核計扣銀不准絲毫多扣此外一切用物皆由弁勇自購該提督並無設有鋪店擡價壓銷之事至勇丁貧乏因各省協餉不能解足每年常欠給二三關此由臣籌餉無方非周盛傳另有剋減然軍士相從年久尙無怨懟也原片又稱該提督行爲跋扈臣懼激則生變事事受其挾制等語尤屬不經之談周盛傳自束髮從戎隨臣周旋患難將三十年親若弟昆絕無違悖教令情事該提督日孜孜以練兵

簡器教操爲事謹守禮法彼固無所謂跋扈臣亦何容其挾制該提督感受

天恩寄以專闔每思慷慨一戰得當以報更何至有事內訌自蹈大戾原片又稱整頓淮軍非劉銘傳不能得力臣已欽遵二十六日

諭旨飛檄劉銘傳剋期應

召赴京銷假劉銘傳才氣開展周盛傳器局謹嚴各有所長均爲淮部所推服似亦無甚軒輊也理合據實詳細覆陳伏乞

聖鑒謹

奏

聖德

德也辨別以不無其神也也聖合德德有辨德德大也

曰其東也則德德德德德德德德德德德德德德德德

德德德德德德德德德德德德德德德德

曰德德德德德德德德德德德德德德德德

大氣無氣又無德德德德德德德德德德德德德德德德

大德善以神德德德德德德德德德德德德德德德德

德德德

德德德德德德德德德德德德德德德德

議分慶軍駐朝片

光緒十年四月初四日

再欽奉光緒十年三月二十六日

寄諭通政使參議延茂奏請飭調吳長慶一軍移紮金州等語吳長慶統率所部駐紮朝鮮應否將該軍調回擇要扼守著李鴻章體察情形奏明辦理等因欽此竊臣於八年十月九年九月疊經奏明吳長慶現駐朝鮮六營擬隨時酌度機宜分別撤留在案今春吳長慶自朝鮮來津商詢一切據稱該國與英美德各邦立約後商務可興民心漸定若暫留三營保護彈壓當無他虞正與臣籌議抽撤之法欽奉前因法國兵船向北開駛與臣處所接閩滬電報相同北洋地廣兵單防務喫緊亟須添調策應自應先其所急令吳長慶統率所部親兵前營中營正營撤回內渡由臣相機察度何處緊要卽飭前往扼守仍留親兵左營後營慶副營暫駐

朝鮮王城以資兼顧查有記名提督吳兆有樸實勤練紀律嚴明
隨同吳長慶在朝鮮帶兵兩年威惠兼著軍民翕服堪以委令統
帶駐朝三營俾專責成分發同知袁世凱廉明果毅曉暢機宜久
辦慶軍營務兼帶朝鮮練軍該國君臣均深敬佩堪以委令總理
營務處會辦朝鮮防務可期得力惟軍士遠戍海外艱苦異常殊
非經久之策容臣隨時察訪如朝鮮練軍稍齊可自鎮撫卽將暫
留三營撤回歸隊以後再派兵船輪替前往巡駐海口藉以護商
防患庶爲活著遠謀所有體察情形分別辦理緣由附片覆陳是
否有當伏乞

聖鑒訓示謹

奏

議馬頰河不宜開摺

光緒十年四月十六日

奏爲開馬頰河分減黃流地勢未宜民情不順工費無出後患難防據實覆陳仰祈

聖鑒事竊臣前准工部咨開會同戶部議覆侍郎游百川奏請開馬頰河分減黃流一摺又議覆御史吳响奏不宜開河分減一摺應令直隸山東派員勘驗通盤籌議折衷一是等因奏奉

旨依議欽此欽遵知照前來當經遴派熟悉河工之候補知府吳士湘隨帶素精儀器員弁馳抵海豐縣沙土河海口溯流而上將馬頰全河里數寬深丈尺工程難易及直東地勢高下民情順逆逐細測量體察計歷山東海豐直隸慶雲山東樂陵德平德州平原恩縣高唐禹城齊河長清十一州縣至長清縣屬黃河北岸五龍潭原擬建壩處所迨勘畢後又以津海關道周馥前曾委勘東

境黃河上下游諳悉情形飭與吳士湘悉心妥議茲據該道府繪圖貼說分晰稟覆並先准山東撫臣陳士杰派員往勘緘請會奏等因查據吳士湘稟稱五龍潭至平原縣之鍋培口馬頰河頭計長三萬四千三百四十丈合一百九十里其閒紆迴曲折須穿過徒駭等河九道惟潔蒲兩河尙有河槽寬而不深若徒駭巴公范公趙王趙牛正岔等河寬祇二三丈深祇六七尺其無河處所須生開陸地六千二百二十丈又自鍋培口入馬頰河至海豐縣沙土河海口卽馬頰尾閘計長七萬四千三百七十五丈合四百十三里其在德州平原境內者口寬七八十丈深丈許在德平樂陵慶雲海豐境內者口寬不過十丈八丈深僅數丈全河併計狹淺處約有十分之七總計自五龍潭迄沙土河海口共長十萬八千七百十五丈合六百三里照游百川原奏挑寬四十丈深一丈其

兩岸堆土及留河灘至少須有六十丈合共佔地寬一百丈計長
濤縣境佔地一萬六千四百餘畝墳墓二千八百餘塚又四十七
村合三千四百三十餘戶齊河縣境佔地六千七百餘畝墳墓一
千二百餘塚又二十五村合一千餘戶禹城縣境佔地九千五百
餘畝墳墓三千八百四十餘塚又五十九村合四千一百餘戶平
原縣境佔地七千九百餘畝墳墓四千九百餘塚又七十村合五
千一百餘戶德州境墳墓五千一百七十餘塚又九十四村合七
千七百餘戶德平縣境佔地一萬四千餘畝墳墓四千六百八十
餘塚又九十八村合五千九百二十餘戶樂陵縣境佔地七千五
百餘畝墳墓四千四十餘塚又八十四村合四千五百五十餘戶
慶雲縣境佔地七千五百餘畝墳墓二千三百餘塚又五十村合
三千四百五十戶海豐縣境佔地與荒廢斥鹵相間礙難細核約

計一萬畝墳墓二千八百餘塚又四十九村合四千四百三十餘戶統計佔地七萬九千餘畝除原舊河形外實佔現在民田六萬餘畝又五百七十六村共三萬九千六百餘戶又墳墓三萬一千七百餘塚此五龍潭至馬頰河尾閘若擬開引須佔用民業之實在數目也又查五龍潭本係百年不易之險自銅瓦廂決口黃流會入大清河東趨迎溜兜灣其險更甚常有漫潰上年凌汛續決三百餘丈測量該處黃河口寬一百二十丈南岸雞觜老灘頂入河心偏溜北衝北岸水深二丈南岸水深六尺北岸地平又較低南岸地平七尺二寸土人云上年秋汛水漲高於平地二尺如游百川原奏建滾水壩北岸低二三尺是汛漲過水當在一丈上下又測量平原縣鍋培口地平較五龍潭低一丈五尺五寸海豐沙土河海口地平較鍋培口又低十二丈八尺六寸可見愈北愈低

而天津三岔河口地平較慶雲之馬頰河北岸又低九丈五尺四寸又查馬頰河北距南運河遠者百餘里近者如恩縣德州兩處相去僅四五十里此五龍潭黃河大溜緊偏北岸迤北地勢節節低下而馬頰又有切近南運河處所之實在情形也臣督飭周馥吳士湘通盤籌議不可開引黃流入馬頰者約有七端黃河自古少閘壩分水之案漢之瓠子酸棗宋之六塔二股明之沙灣皆因分水貽害後皆引以爲鑒我

朝河臣靳輔建毛城鋪太谷山龍虎山天然減水閘壩皆就山骨堅土之處建立壩基下有湖蕩可歸且挑倒鉤引河以防奪溜乃不久仍多廢棄以後無敢踵而行之者今五龍潭爲極險之衝一片純沙壩基難立若欲改河北行貽害甚廣禦之不暇奈何引之此不可者一減河所經橫穿徒駭巴公趙王等河九道紆折一百

九十里勢必將此九河東去之路盡行堵塞挽使北趨竊恐天生地脈非可以人力亂之汛漲湧至依舊衝決此不可者二黃入濟瀆以來兩岸居民久困沈災識者謂因城鎮太多未能早築遙隄之故今分黃入馬頰斜行六百三里卽新增兩岸隄工一千二百餘里官守民守均苦無力是使六百三里向不被水之區皆無完土此不可者三黃流下游淤淺實因上游分溢過多正河水少之故若以徒駭馬頰一再分減而視攔水之遙隄爲緩圖則下游必更停淤下壅上潰恐長清以上益多漫溢此不可者四六百三里之中除舊河墾種不計外新佔民田六萬餘畝小民已苦失業且有五百七十六村三萬九千餘戶又墳墓三萬一千七百餘塚從何遷徙此不可者五自來渾河不能兩行東漢以後議論紛紜辦法不一大抵合則偶治分則必壞往籍班班可考禹河雖暫分行

但今昔時異勢殊未可泥古現勘濟北地勢節節低下土性鬆浮天津又低於慶雲馬頰北岸九丈數尺而上游德州恩縣之馬頰距南運河祇四五十里黃河善徙往往橫侵驟決設使開引之後就下勢順改道北趨加以直境永定滹沱潮白漳衛拒馬三易五大河之水將見畿南全成澤國事所必至理有固然

京畿根本重地極宜慎重此不可者六五龍潭以下至入馬頰除原舊河形不挑外照原奏丈尺核計土方應挑八百八十五萬餘方又開馬頰各段並培補兩岸殘隄應挑土一千一百三十九萬餘方按山東原估每方銀一錢五分共需銀三百餘萬兩而建滾水壩之費尙不知凡幾遷徙村戶墳墓並給地價一切更無從預估其原估築隄項下焉能節出如許經費開辦此河當茲時事艱難重耗鉅款興此無益有害之工殊屬非計此不可者七自開引

之說起直東沿河州縣紳民或在臣處或於委員經過時紛紛遞呈籲求免辦情詞迫切地勢既不相宜民情又復不順工費無出後患難防實以不開為便至游百川原奏開杜家溝分水入徒駭一節已經山東撫臣奏明秋後察看又御史吳响條奏亟築縷隄並築遙隄創築圍隄任民修守覈免錢漕兼籌帑項勘定海口取直河身考覈舊河歷練賢才各節似多可行惟節目甚繁非一時所能措辦亦非直隸所能遙度如何次第舉行期於河防大局有裨應由山東撫臣隨時察酌妥籌分別奏辦除將吳士湘繪送圖說分咨軍機處工部查核外所有馬頰河不宜開挖分減黃流緣由理合會同山東撫臣陳士杰恭摺據實覆陳伏乞

皇太后

皇上聖鑒訓示謹

奏

奏

奏

議濬宣惠河摺

光緒十年四月十六日

奏爲查勘山東恩縣德州南運減河直隸宣惠河淤塞情形現擬籌款將宣惠河挑濬恭摺覆陳仰祈

聖鑒事竊臣欽奉光緒九年十二月十五日

寄諭御史劉恩溥奏畿南州縣連年被水請飭將山東恩縣境內之四女寺及德州境內之哨馬營兩處減河插口修濬並於兩減河下流挑挖疏通更令宣惠河上接德州哨馬營減河其下游直隸東光南皮滄州等處一律疏濬庶運河水有分消不至潰決至開濬宣惠河祇須於近河隄旁官地向南挑挖勿任阻撓等語山東德州一帶毗連直境該處河隄各工於畿輔民生利害殊有關係著體察情形詳細酌度妥議具奏等因欽此當飭候補知府吳士湘於勘竣馬頰河後卽赴山東恩縣德州及直隸吳橋一帶逐

細勘查並令天津道裕長督飭各地方官體察情形與吳士湘通籌妥議一面咨會山東撫臣一體派員勘議茲據該道府繪圖貼說分晰稟覆前來臣查吳士湘稟稱德州哨馬營南運減河係明尚書宋禮所開我

朝雍正乾隆年間兩經大修現在壩口已坍塌淤塞僅存石片數十塊縱橫水中不能細加測量壩上淤土堆如山阜高於水面二丈壩下減河在德州境內者十八里久成平陸下入直隸吳橋縣境卽接鉤盤河現尙深二三尺至玉泉莊與四女寺減河合流匯入鬲津河計在吳橋縣境者三十六里總合五十四里從閘口至玉泉莊淤墊太甚幾至不復辨識民間侵種已久此時疏通無異新闢又恩縣四女寺南運減河壩在哨馬營上游三十餘里係明都御史白昂所開我

朝康熙雍正乾隆年間屢經修濬厥後漸廢該壩海墘金牆雁翅多被淤塞但較哨馬營減水壩稍有規模海墘長約十丈壩口寬約二十餘丈壩上石橋十孔已淤其七土人云南運盛漲時尙可過水尺餘壩下減河亦至吳橋縣玉泉莊匯入鬲津故瀆計長九十三里下經甯津南皮樂陵慶雲鹽山入海豐縣境至古大沽口歸海又長三百一里共合三百九十四里俱有河形可就寬三四丈至七八丈深一二三四尺查南運舊減河有四在東境者四女寺哨馬營兩處在直境者滄州捷地青縣興濟兩處臣前因直境舊減河早經淤塞力難開挖遂於靜海靳官屯新開減河一道下就淮軍所開營田之河達海藉省工費惟分洩尤重上游上游漲減則下游全工受益四女寺爲各減河之首南運非黃河易淤者可比分減不患過多下有河身可歸另途出海地勢民情亦無不

順誠能將四女寺減河修濬實爲治南運釜底抽薪之計哨馬營減河淤墊既甚侵種又久若欲併開爲費太重實難並舉咨商山東撫臣陳士杰派員勘估擇要籌辦惟減河下游直境應挑工段甚長需費甚巨屆時擬照劉恩溥原奏另請部款再行核酌具奏至直境宣惠河溯查乾隆五年開挖其河頭在吳橋縣境李尙學莊同治十一年挑濬自李尙學莊迤上王指揮莊起專以消洩附近窪水向無來源若改接哨馬營減河不惟王指揮莊河頭與運河尙隔三四十里隄旁官地未能相就且中隔沙河一道礙難穿斷宣惠又高於沙河八尺九寸亦難由此引入此等無源之河澇則汪洋每苦宣洩不及旱則乾涸並無灌漑可資儻上接哨馬營減河添借來源民情不願自應各循其舊查宣惠河自吳橋王指揮莊經東光至南皮劉蛤蟆莊長一百十餘里其下則分兩支

北支由王莽河過蔡家窪達滄州石碑河至大浪泊與捷地減河會入牧豬港歸祁口出海計長一百五十六里南支由劉蛤蟆莊范家隄穿金沙嶺過鹽山燕子窪入山東海豐縣境會鬲津至古大沽口出海計長二百三十四里現勘北支自劉蛤蟆莊以下閒有河形不過十分之一自蔡家窪以下卽石碑河口寬三四五丈至七八九丈深二三尺至四五尺其自大浪泊至牧豬港約四十餘里皆窪泊積水寬深尙難勘丈至南支河口寬四五丈至六七丈深二三四尺至一丈兩隄高四五尺七八尺岸上廢土山積僅有河槽一條絕少窪蕩兩支比較北支隄河雖不及南支寬深而地勢低平多穿窪泊南支隄河雖較完整而地勢稍仰且穿金沙嶺高亢之地七十餘里同治十一年以滄民不願此河北行前州牧項桂輪詢其所請專濬南支惟金沙嶺地勢旣高淤沙厚積水

難暢下一有衝決北支蔡家窪一帶同被淹澇上年德州運河決口漫水淹至東光境內宣惠河爲隄所阻東光滄州南皮之民掘隄互鬪致傷多命實堪憫惻臣前已飭地方印委勘籌辦法查乾隆五年前督臣孫嘉淦開宣惠河本走北支嗣因下游石碑水多不能並納經前督臣方觀承分挑南支今應規復北支以順就下之勢但慮金沙嶺南支益形淤塞勢將全溜掣入北支則石碑不能容納滄境從此氾濫永無甯歲既無以服滄民之心亦失前賢分疏之意是南支亦不宜廢也擬於上年宣惠北岸坊子莊決口之處就水衝溝槽數里循北支舊河故跡疏濬寬約五丈兩邊築隄卽在北隄建一滾水灰壩寬以七丈爲度高以南岸河口爲憑水漲時任由壩上滾出不過減水三四分並將石碑河下游一律相勢挑濬加築隄埝使水有所歸不致出槽爲患而南支金沙嶺

原有河槽亦卽酌量疏濬水小之年仍由南支行走水大則分減入北支在滄民無虞上游壅潰在東光南皮之民不以下游曲防爲懼並藉減壩調劑其平庶爭端亦可消釋從前南支金沙嶺一帶議歸滄民歲修此次工程甚大擬分段酌派東光南皮滄州三處民夫承挑連鹽山境內之工核給高粱一萬餘石銀數千兩俾資津貼仍由官督率催趨期早竣工北支淤塞已久需費更巨而地勢旣低尤宜寬築隄防庶免漫溢約計挑河築隄建滾水灰壩及佔用民地發給地價需銀六萬兩以上南北兩支共需高粱一萬餘石銀六萬數千兩其下游積水寬深未能卽估並上游暫可從緩者均不在內直屬各庫空虛本屆工賑需款繁巨咨臣督同司道竭力設法勻湊事竣照章彙入賑案開單奏報卽責成吳士湘與天津道督同各該州縣認真興辦其有應分別緩急變通之

處隨時相機核酌其南支下游山東海豐境內工段另行核明咨
會山東撫臣轉飭遵照所有查勘山東恩縣德州南運減河直隸
宣惠河淤塞情形現擬籌款將宣惠河挑濬緣由理合恭摺覆

奏伏乞

皇太后

皇上聖鑒訓示謹

奏

請飭東撫築德州隄工片

光緒十年四月十六日

再德州境內運河兩岸工程向係民修民守近年修守廢弛隄身
卑薄據吳士湘稟稱該員順道察勘最險者老君堂吳橋口老虎
倉小楊莊等處十段次險者龍王廟燕窩豐樂屯馬槽等處二十
段而老君堂上年大汛隄劈數十丈幾至決口似此危險至今尙
未修築其民情觀望推諉可知直省之吳橋東光南皮滄州等處
上年水災較重且釀械鬪多命之案實因德州小楊莊決口所致
誠如劉恩溥所奏河決挂淤卽爲腴田益在德州害在直省欲弭
畿南吳橋一帶水患必先籌辦德州險工較修濟南運減河與宣
惠河尤爲緊要直省地處下游經營防範縱極萬全而上游一決
必災及直境十數州縣官吏諉爲隔省小民視若仇讎文牘往還
卽或勉強興工而此十數州縣之民已逃亡相繼此乃關係大局

萬不容已之工亟應欽遵

諭旨實力修防惟災祲之餘勢難專恃民力轉瞬汛期將至擬請
敕下山東撫臣設法籌款趕緊委員勘估擇要興辦加高培厚必
於伏汛以前完工否則兩隄殘破如此卽尋常汛漲亦恐漫溢至
防汛事宜並須嚴定官督民守章程庶免臨時諉誤理合附片具
陳伏乞

聖鑒訓示施行謹

奏

奏留盛宣懷片

光緒十年四月十六日

再布政使銜直隸候補道盛宣懷歷辦營務洋務賑務等差均能殫精竭慮不辭勞怨光緒五年津河沈災檄署天津道綜理賑務集捐銀數十萬兼資工撫並裁革天津縣書差供應各項積弊建廣仁堂留養孤寡設戒煙局除民間積癮數千人政聲頗著其創辦輪船招商購船二十餘號積年少入洋商之手者約計二三千萬光緒二年收回美商已佔各口之碼頭又折廢英商已成之鐵路經前督臣沈葆楨奏明有案上年委辦各省電綫萬里響應軍報攸賴尤能獨爲其難英商丹商覬覦華電權利臣與總理衙門飭該道執萬國公例與之力爭卒能去其侵造吳淞九龍之陸綫嚴定條款劃海爲界經督臣左宗棠張樹聲奏明有案此皆曾國藩所謂與各國通商宜以商戰者是也該道現經張樹聲等奏調

赴粵何璟等又奏調赴閩奉

批旨前據張樹聲奏請將盛宣懷調往廣東辦理沙面案件一時不能赴閩欽此咨照前來本應遵飭赴粵惟因其督辦各省電報事務繁重廣東非居中之地恐難遙制各局況沙面一案將可結束龔易圖熟悉洋務必能勝任自應令盛宣懷毋庸前赴粵閩仍留直以資臂助臣查盛宣懷精明穩練智慮周詳於交涉重大事件洞悉癥結是以經辦數事剛柔得中不爲撓屈歷著成效今之熟習洋務者往往於吏治民生易於隔閡究之洋務與吏治不應分爲兩途盛宣懷措施咸宜經權悉協臣昔年曾將該道保薦堪勝關道兼備使才如蒙

天恩先試以通商繁劇之地歷練數年當能宏濟艱難緩急可恃臣爲時事需才孔亟起見不敢壅於上

聞謹附片密陳伏乞

聖鑒謹

奏

本年二月以前賑捐收數摺

光緒十年四月十六日

奏爲查明本年二月以前收過賑捐應獎銀數恭摺仰祈

聖鑒事竊照順直各屬上年伏秋大水爲災賑需短絀當經設法
籌勸接濟並准部議按常例十成報捐銜封貢監暨推廣報捐銜
封在案茲查自光緒九年秋勸辦起至十二月止共收過各省官
商捐賑銀二十二萬七千十四兩零小米二百石每石時價銀二
兩合銀四百兩高粱一千五百五十一石每石時價銀一兩五錢
合銀二千三百二十六兩零棉衣五萬六百六件照章合銀五萬
六百六兩又自本年正月起至二月底止收捐銀三萬四千六百
四十三兩零以上統共收捐銀三十一萬四千九百九十九兩七錢
四毫隨時分撥災區核實散放並以工代撫據籌賑局司道具詳
請

奏前來臣覆核無異除飭取捐賑官紳履歷照章分批咨部核獎
其有專案奏請獎敘者照數扣除並俟續收捐項積有成數另行
奏報外所有本年二月以前收過賑捐應獎銀數理合恭摺具陳
伏乞

皇太后

皇上聖鑒敕部知照謹

奏

法越交涉議定法約摺

光緒十年四月十七日

奏爲遵

旨籌辦法越交涉與法人講解議定簡明條約畫押竣事恭摺仰
祈

聖鑒事竊臣欽奉光緒十年四月初十日

上諭目前最要者約有數端越南世修職貢爲我藩屬斷不能因
與法人立約致更成憲必與之切實辨明通商一節若在越南地
面互市尙無不可如欲深入雲南內地處處通行將來流弊必多
亟應預爲杜絕劉永福黑旗一軍屢挫法兵爲彼所深恨蓄志驅
除自在意中豈可遂其所欲此次法人侵佔越南衅自彼開我無
失和之意若再索償兵費不特情理所必無亦與各國公法顯背
以上各節均與大局極有關係李鴻章膺此重任宜如何竭力圖

奏稿四十九
維預籌辨論等因欽此仰蒙

聖明指授機宜

訓誡精切感悚莫名又欽奉四月十四日

諭旨鈔示廷臣議覆各摺令臣迅速覆奏等因法國水師總兵福

祿諾到津於十二日來見所有辨論各節及與商訂簡明條款臣

因繕摺覆陳不及先詳細函致總理各國事務衙門請其恭代進

呈

御覽十五夜接准該衙門電稱奉

旨詳加披閱均尚無傷國體事可允行該大臣卽照所擬辦理嗣

後詳細條目務當悉心籌畫毋滋流弊欽此先是福祿諾與臣議

訂條款卽電請該國外部示遵十五日午刻該總兵接其外部大

臣費理是日辰時覆電云奉國旨予汝全權無須提督利士比來

津汝卽與李大臣押定等語彼以條款已就無可改易疊催畫押定議適臣亦欽奉電

旨准照所擬辦理復將原議五條逐加討論酌改前後款式並按照洋文約款內字句有略宜增損之處與福祿諾詳確覈定繕寫成帙遂於十七日申時齊集臣行館校對中法文義無譌公同畫押蓋印各執一本爲據謹將約本封送軍機處備查仍照錄清摺恭呈

鑒核竊維法越之事自光緒七年以後曾紀澤與法外部沙美拉古費理等總理衙門暨臣與法使寶海脫利古等往復辨論案卷盈帙均無成議愈變愈壞迨山西北甯失陷法燄大張越南臣民望風降順事勢已無可爲和局幾不能保茲幸

聖朝德威遠被由法人自請講解其始願望未嘗不奢要求未嘗

不力經臣反覆辨折迎機勸導彼亦漸就範圍如

諭旨所云職貢一節今約內第四款法國約明現與越南議改條約決不插入傷礙中國威望體面字樣並將以前與越南所立各約關涉東京者盡行銷廢蓋因臣指明法越甲戌約內不論何國皆無統屬去年新約有

大清國不得預及南國之政等語顯與中國屬藩體制有礙必須刪改據福祿諾面稱已電告外部令現住越南改約之巴德諾照議刪除彼雖不明認爲我屬邦但無此等違悖語意越王豈敢藉詞背畔耶又

諭旨所云通商一節今約內第三款許以毗連北圻邊界法越與內地貨物聽憑運銷並約明日後另遣使臣議定詳細商約稅則其云北圻邊界必不佳深入雲南內地明矣查向來紅江上游中

外商人運銷貨物出入滇境往來不絕本未苛禁將來互市自可在北圻邊界擇要設關收稅妥立章程似覺無甚流弊又

諭旨所云兵費宜拒一節該國上下處心積慮本欲譎索兵費六百萬鎊卽各國新報私議皆爲是言臣預屬稅務司德瑾琳道員馬建忠等多方開導復當面嚴詞厲色力與駁斥今約內載明情願不向中國索償尙屬恭順得體足以風示各國中國許以北圻邊界運銷貨物爲有益法國商務俾該外部得有詞以謝議紳亦爲中法和好互讓之據至劉永福黑旗一軍從前乘法兵單寡之時屢殪法將法人恨之切齒必欲報復上年曾紀澤疊與該外部商論由中國設法解散約束而法廷添兵攻取意不稍回去冬克山西黑旗精銳傷亡甚多已受大創今春劉永福募四千人援北甯亦不戰而潰其禦大敵何怯也華人專求虛聲僉欲倚以制法

法入固深知其無能爲役此次福祿諾絕未提及我自不便深論將來該國另派使臣若議及此當由岑毓英潘鼎新酌定安置之法惟目下和議已成法人必無翻覆法兵必漸減撤滇桂邊防各軍亦宜及早切實整練凡不得力之勇營應逐漸裁遣汰無用而留有用聞劉永福所部冗雜騷擾與越民爲仇實爲邊境後患擬請

旨密飭雲南廣西督撫臣嚴明約束酌加減汰豫籌安置安策俾無生事滋擾則保全者多矣據福祿諾云此約專欲消釋中法將開之衅端爲救急止兵起見其餘詳細節目應俟該國另派大臣前來會商該外部初次電覆此約應由議院批准本日續電又云押定條款無須議院覆核福祿諾均經呈閱是兩國旣皆定議以後商界事宜儘可從容籌度此皆由

皇太后

皇上宵旰焦勞懷柔大度於以感召遠人效忠孚信前後在事諸
王大臣等和衷匡弼贊襄大計得以定艱危於俄頃使數年來法
越軫轢不定之議得一結束之方從此保境息民練兵簡器徐圖
自強天下幸甚

微臣

躬親是役懍懍焉若朽索之馭六馬疊經局

外責望

聖諭提撕惟以不克稱塞

明詔是懼今雖安速成議非初料所能及其有思慮所不到力量
所不及之處尙祈

曲鑒愚誠勿爲浮議所惑庶法越之事由此而定中外邦交從此

益固矣所有遵

旨講解議定簡明條約畫押竣事各緣由謹繕摺由驛六百里馳

奏仰慰

聖懷伏乞

皇太后

皇上聖鑒訓示施行謹

奏

奏保馬建忠片

光緒十年四月十七日

再臣前因二品銜候選道馬建忠從前游學法國與其官紳習處
熟知情偽令在上海偵訪敵情福祿諾過滬時就商一切該道晤
水師提督利士比密屬以福祿諾赴津講解必須開誠致敬若帶
兵船隨往大沽略露挾之狀臣必不願商辦利士比等恪遵指
示福祿諾僅坐一師艦北來過煙臺後復換搭商輪赴津此卽廖
壽恆所奏先令兵船退出口岸之意深合大體該道同時回津幫
同臣往復辯論頗得剛柔操縱之宜遂能剋期成議實該道之力
居多查八年春夏疊經派往朝鮮主持美英德各國議約之事條
理精詳嗣朝鮮內亂復委令帶隊前往彈壓理處應手奏效奉
旨記名以海關道用旋經吏部以章程不符議駁此次定約竭誠
襄助不激不隨動中機要維持大局其勞績尤不可泯該道講貫

中西各學心地謹飭才能肆應西人多引重之若蒙

恩存記擢授關道及出使之任必於交涉要務有裨臣為時艱孔

急洋務需才起見據實附片密陳伏乞

聖鑒謹

奏

大清光緒十四年四月二十日

添設山海關電綫摺

光緒十年四月二十四日

奏爲籌款添設津沽北塘至山海關電綫以速軍報而重防務恭摺仰祈

聖鑒事竊臣前奏設立津滬及浙閩粵陸路電綫又自津至通州陸綫左宗棠張樹聲亦請展辦長江至漢口廣州至龍州電綫分別官款商股辦理均奉

旨允准遵行在案誠以電報呼應捷速雖隔萬里若在戶庭有裨軍國要政爲目前當務之急成效已昭然可見茲查津沽北塘至蘆臺樂亭昌黎山海關經營口直達旅順俱係北洋沿海扼要之區已分駐水陸各軍安籌防守惟距津道途遙遠軍情瞬息變易非有電報無以速傳遞而赴事機但陸路二千餘里設綫經費約需銀十餘萬兩僅營口一處略有商報其餘皆係軍報商股既不

能招徠北洋亦難籌巨款只可擇要經營復查北塘至山海關一帶爲畿東門戶值此海防喫緊布置尤關重要必須先其所急迅速辦成庶蘆臺樂亭昌黎榆關各路防軍消息靈通頃刻之間可以互相問答調度機宜不致遲誤實爲海防經久之規天津大沽北塘前已由官設綫今應自北塘至山海關依沿海徑路接添當卽派員勘定計程四百餘里暫設單綫一條過河之處購用水綫估需銀三萬餘兩尅期蒞事已飭津海關道周馥電報局道員盛宣懷朱格仁采購料物督飭員匠興工趨辦並將沿途應設局棧巡房妥爲布置此路並無商報應仿照西洋關係國家政務綫由官造之例及廣西梧州至龍州成案卽由官辦現在設綫用款自天津至山海關常年局用巡電修理各費均於北洋海防經費項下核實動撥另行分晰彙案報銷並飭地方文武隨時認真照料

保護勿任損壞所有籌款添設山海關一路電綫以速軍報緣由
恭摺具陳伏乞

皇太后

皇上聖鑒敕部查照謹

奏

--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--	--

請緩鹽課奏銷摺

光緒十年四月二十四日

奏爲援案請緩長蘆本屆正課奏銷以恤商艱恭摺仰祈

聖鑒事竊據長蘆鹽運使額勒精額詳稱蘆商正課例限五月奏銷自同治十年後商情艱窘節經

奏准緩至十月啟徵茲以例限將屆催令各商完納據通綱晉有孚等一百二十商稟稱商等但能依限完繳曷敢屢次瀆求惟蘆商疲累情形課運實不能同時並顧一年課帑所出全賴菜秋而尤以春運爲根本有春運則指鹽售銀秋運乃可接築有秋運則菜鹽銷旺銀回而課易完乃去年各岸大水菜秋多荒銷鹽甚少應完課款又較歷屆增交二萬餘兩專賴奏銷展緩時日稍資周轉現當春運喫緊已築運者尙未抵岸銀不能來未築運者且須籌措鹽價繩蓆運腳領告等項其上年未交帑利及帶徵歷年欠

課亦均到限商力萬分拮据今屆正課奏銷委難依限籲懇援案
展緩以顧春運該運司詳加體察確係實情若於此時催完必致
力不能支徒事參追無裨實際請緩至十月啟徵等情具詳請
奏前來臣查長蘆正課前因商情艱窘疊次奏請展緩均已奉
旨允准現值餉需支絀但可依限催納斷不容稍事稽延惟體察
情形實緣商累已深上年又被大水力益疲敝刻下告運喫緊勢
難兼顧課款相應援照歷屆成案籲懇

天恩俯准將光緒十年正課奏銷緩至十月辦理以恤商艱卽以
保全課運屆時當督飭運司認真催徵將奉撥京奉各餉仍於年
內解清不敢稍任遲誤理合恭摺具陳伏乞

皇太后

皇上聖鑒訓示謹

奏

卷之四十六

四

李文忠公奏稿卷四十九

李文忠公奏稿

卷之五十目錄

展收鹽斤加價摺

光緒十年五月十二日

學生陳伯璋請卹片

光緒十年五月十二日

劉銘傳抵津摺

光緒十年五月二十日

吳長慶請假片

光緒十年五月二十日

出洋巡閱摺

光緒十年五月二十七日

辦理鳳河工程摺

光緒十年閏五月初七日

出洋巡閱情形片

光緒十年閏五月初七日

代奏朝王謝摺

光緒十年閏五月初七日
附朝王原咨

京城平糶摺

光緒十年閏五月初十日

力籌戰備摺

光緒十年閏五月十三日

覆陳後路布置片

光緒十年閏五月十三日

覆奏各口礮臺工程片

光緒十年閏五月十三日

覆陳使命約文情形片

光緒十年閏五月十三日

練軍剿匪獲勝摺

光緒十年閏五月二十五日

淮軍修造師船片

光緒十年閏五月二十五日

吳長慶請卹摺

光緒十年六月初二日

吳保初剜肉療親片

光緒十年六月初二日

遵賞各營丹藥摺

光緒十年六月十五日

陵樹撥銀展限摺

光緒十年六月十五日

易州旗丁試辦蠶桑片

光緒十年六月十五日

整頓蘆鹽摺

光緒十年六月十五日

請撥江漢關洋稅摺

光緒十年六月十八日

查覆口外剿賊情形摺

光緒十年六月二十三日

覆陳商局輪船暫售美國摺

光緒十年六月二十日

白雲山於... 大清... 二十... 日

李文忠公奏稿卷五十

全集一之五十

桐城吳汝綸編錄

展收鹽斤加價摺

光緒十年五月十二日

奏為展收直岸鹽斤加價以恤商艱而裨賑款恭摺具

奏仰祈

聖鑒事竊長蘆行銷直岸引鹽前因運本過重商累太深

奏准自同治十三年六月起每斤加賣價制錢三文五年為限稍

資津貼嗣經國子監司業汪鳴鑾擬推展蘆商賣鹽加價以助直

賑飭據運司議自光緒五年六月起將加價展限五年每年交銀

二萬兩共合十萬兩彌補直賑不敷之款亦經

奏准在案計扣至本年五月止五年限滿飭據運司額勒精額詳

稱直岸商人楊俊元等以引岸疊遭災歉商困益深賑款未能交

足請再將加價展限五年該司查自光緒五年六月起每年僅能
交賑款銀一萬二三千兩迄今共僅交銀六萬八千餘兩按原議
十萬兩之數尙短銀三萬一千餘兩實因疊遭災歉本重運艱銷
路益滯連歲大稔之餘灘鹽多被淹沒蓆蔴亦復失收車船腳價
無不昂貴各商極形疲累是以未能交足此項賣鹽加價原因近
年運本過重稍資調劑初非提銀歸公他省亦有因商累加價貼
補之案約計民戶每人日食鹽三錢每月僅多費制錢一文零尙
不至於病民而課款得資周轉該司悉心體察現值商情異常艱
窘加價驟難議停且賑務旣未截止每屆冬令貧民來津求食者
絡繹不絕留養遣歸均需巨款請自光緒十年六月起直岸賣鹽
加價展限五年仍責令每年交銀二萬兩除撥歸上屆未補銀三
萬一千餘兩其餘俱交籌賑局存備以後冬撫要需旣於商困稍

紆窮黎亦沾實惠洵屬兩有裨益等情具詳請

奏前來臣覆查無異相應籲懇

天恩俯准照辦以恤商艱而裨賑款理合恭摺具陳伏乞

皇太后

皇上聖鑒訓示謹

奏

Blank manuscript page with vertical columns.

學生陳伯璋請卹片

光緒十年五月十二日

再准出使德國大臣李鳳苞咨稱出洋學生五品軍功候選從九品陳伯璋係閩廠繪事院畫童素肯力學出洋後派在魚雷廠無閒寒暑倍加攻苦惟時以不能精進爲憾遂致積成憂憤於光緒九年正月初九日在法國寓次身故並由船政大臣核明咨請照章奏卹前來臣查光緒二年奏定選派船政生徒出洋肄業章程內開各生因攻苦積勞致有不測之事酌量奏卹等因今陳伯璋選派出洋數年學業漸有成效遽因攻苦憂憤齎志以歿殊堪憫惻相應據情奏懇

天恩俯准敕部議卹以慰羈魂謹會同船政大臣詹事府少詹事臣何如璋附片陳請伏乞

聖鑒訓示謹

奏

奏為

臣等查

臣等

臣等

臣等

臣等

臣等

臣等

臣等

臣等

臣等

劉銘傳抵津摺

光緒十年五月二十日

奏爲提督劉銘傳遵

旨北上現已抵津恭摺仰祈

聖鑒事竊臣接准軍機大臣字寄光緒十年三月二十六日奉

上諭前直隸提督劉銘傳統兵有年威望素著前患目疾諒已就

痊現值時事艱難需材孔亟著李鴻章傳知該提督卽行來京陛

見以資任使等因欽此當卽恭錄

諭旨飛咨該提督欽遵剋期赴京銷假旋接劉銘傳函稱入夏以

來目疾紅腫漸輕而昏蒙如舊畏見風日惟值時局艱難仰承

明詔自當力疾就道定於五月初二日由籍起程航海北上茲於

二十日行抵天津適張佩綸前往福建道出此閒與臣熟商閩海

防務該提督深悉戰守機宜彼此互相討論小住數日卽晉京展

覲泥首

闕廷以伸積年瞻就之忱所有劉銘傳奉

召抵津剋日來京緣由謹繕摺由驛馳報伏乞

皇太后

皇上聖鑒謹

奏

吳長慶請假片

光緒十年五月二十日

再廣東水師提督吳長慶一軍前奉

寄諭令臣酌量調回臣已奏明暫留三營駐防朝鮮卽飭吳長慶

撤回三營擇要扼守在案旋商令吳長慶馳赴奉天沿海金州地

方查勘形勢尙覺空虛檄調該軍親兵慶字前營中營正營於五

月十一日由朝鮮乘坐商輪駛抵金州劉家屯一帶布置扼紮該

提督近年在朝鮮營次積受風寒遂得喘嗽之證春閒來津與臣

籌商軍事卽訝其病憊異常適值海防喫緊該提督往來洋面涉

歷風濤舊恙增重抵金州以後咯血噦逆夜不能寐元氣大虧幾

有虛脫之象咨請轉奏

賞假一月俾得在營安心調理等因臣查吳長慶久戍朝鮮積勞

致疾茲患病加重深堪憫念除遣醫前往診視諄屬靜心調養外

出洋巡閱摺

光緒十年五月二十七日

奏為

微臣

出洋巡閱以重海防恭摺仰祈

聖鑒事竊維渤海大勢

京師以天津為門戶天津以旅順煙臺為鎖鑰臣歷年經營海防先治大沽北塘礮臺以固隩區復築新城以為後拒而海防經費各省關歷屆短解習以為常以致購器築臺規模遽難遠拓上年旅順口礮臺募用洋匠仿造新式工作既成觀者均目為堅實電綫魚雷駸駸及山東之威海矣吳大澂新承

簡命會辦北洋適張之洞張佩綸先後過津均欲整頓閩粵海防以北洋略有基緒可尋就臣討論臣雖久更兵事而衰朽之餘智慮短絀亦冀與二三英俊反復考究以輔臣之不逮擬即於本月二十八日乘坐輪船駛赴旅順煙臺等處巡閱水陸各軍會同張

奏稿五十一
之洞等前往研究洋防審察形勢互收攻錯之益以紓

朝廷睠顧遼海之意屈計程途往返不過八日起程後所有地方
日行公事仍飭藩司代印代行通商尋常事件卽交津海關道就
近代行如有

寄諭及緊要事件卽由津交輪船轉遞一二日可達並無遲誤所

有微臣出洋巡閱日期理合恭摺馳

奏伏乞

皇太后

皇上聖鑒謹

奏

辦理鳳河工程摺

光緒十年閏五月初七日

奏爲順直鳳河工程剋期挑築完竣恭摺仰祈

聖鑒事竊查鳳河發源

南苑由五空閘流出苑牆經大興東通州武清達津歸海工長
二百餘里關係沿河民田利害而下游東隄尤爲津武一帶保障
疊經臣籌款津貼修築惟當永定河之衝屢有潰漫其上游河身
亦因年久淤墊遂致泛濫爲災去冬臣等各派委員察勘籌議挑
築並因文碩之奏經府尹臣將大概情形奏蒙

聖鑒聲明以工代撫在案今春臣復遴派候補知府惲桂孫周厯

上下游詳細勘估惟各處應辦要工甚多庫款極絀只可撙節經

營除下游河身通暢無庸挑挖上游舊制無隄之處或有隄只須

堵築缺口量爲加修外應自五空閘起至大興采育止閒段挑挖

河身並裁灣取直共三千四百九丈口寬十二丈五尺至四丈不
等底寬十一丈一尺至二丈八尺不等深六尺五寸至二尺不等
並築攔水壩十四丈又自采育起至武清緜上村止應挑河身九
千二百九十丈口寬五丈五尺底寬四丈三尺至三丈九尺不等
深四尺五寸至三尺不等卽以挑出廢土培隄又築采育北門外
隄工長六十丈頂寬二丈底寬六丈高八尺又自武清柳行村起
至天津韓家墅止應築東隄八千二十六丈頂寬一二丈不等底
寬六丈五尺至四丈五尺不等高七八九尺不等又應堵築緜上
村缺口二道工長二十七丈後緜上村缺口一道工長六十丈並
加後戩四十七丈桐林村缺口一道工長五十三丈村東減溝缺
口一道工長三十丈陳莊缺口一道工長三十六丈並加後戩三
十丈徐莊缺口二道工長一百十三丈牛鎮減溝缺口一道工長

二十二丈以上缺口築頂寬一二丈不等底寬七丈至四丈不等
高一丈二尺至六尺不等險要處酌加椿料並鑲埽段統計挑築
土二十九萬六千餘方零工尙不在內當於議定後責成憚桂孫
督同印委各員招集附近災民分投興作以工代撫於四月二十
九日剋期告竣卽飭試用知府柯欣榮前往驗收一律過估如式
共用工費銀二萬四千一百八十二兩七錢二分三釐由府尹臣
於順屬賑撫項下撥給銀一萬兩臣飭局於直屬賑撫項下撥給
銀一萬四千一百八十二兩七錢二分三釐俟彙歸賑案另行奏
報除飭各該地方官查照向章隨時督率民夫妥籌修守毋任廢
弛外理合會同兼管順天府府尹臣畢道遠順天府府尹臣周家
楣恭摺具

奏伏乞

皇太后

皇上聖鑒謹

奏

[Faded vertical text columns, likely bleed-through from the reverse side of the page]

出洋巡閱情形片

光緒十年閏五月初七日

再臣出洋巡閱日期業經奏報在案臣先已檄調天津鎮總兵丁汝昌所統超勇揚威兩快船威遠康濟兩練船齊集大沽口外鎮東鎮西鎮北鎮南鎮中鎮邊等礮船齊集煙臺五月二十九日會同張之洞吳大澂張佩綸督率各船放洋操演雁行魚貫各陣式帆纜燈旗各號令及鎗礮施放之法尙能整齊靈變閏五月初一日駛抵金州之旅順口察勘新築礮臺營壘全仿洋式堅緻曲折頗據形勝道員袁保齡督挖船澳船池修建軍械庫屋工程已及大半操演水雷旱雷均漸熟習該處扼東奉渤海之要衝與登州及大沽口遙遙相對現有提督宋慶等陸軍與丁汝昌水師互相犄角布置已稍就緒設遇海上有事冀可憑險固守牽制敵船使不遽深入初二日過煙臺會操各船聲勢略壯法國水師提督利

士比統鐵甲兩艘快船兩隻駐煙諄請臣等閱操其船堅礮巨實較北洋船式爲雄大而操法尙不甚相遠也初三日抵威海衛閱看所延德國副將哈孫教演魚雷員弁兵匠齊力操作射放有準駕駛雷艇快捷如風洵爲制敵利器道員劉含芳會同哈孫督操布置諸務甚有條理惟該處瀕海南北兩口地闊水深若築臺設守需費極巨一時不易措辦耳初四日張之洞張佩綸同舟赴滬臣與吳大澂揚舫北旋於初五日抵津料理積贖吳大澂卽移駐新城所有巡閱情形理合會同通政使司通政使臣吳大澂附片具陳伏乞

聖鑒謹

奏

代奏朝王謝摺

光緒十年閏五月初七日

奏爲據咨代

奏仰祈

聖鑒事竊吳長慶一軍撤回三營移紮金州仍留三營暫駐朝鮮王城以資鎮撫節經陳奏在案茲朝鮮國王遣派陪臣李用俊齎到咨文內稱該國前年變亂仰仗

皇威綏靖始能轉危爲安保有今日一國恃以無恐現因中原防務緊要吳提督六營撤半西歸不勝悵依尙有三營仍留善後感幸之極咨請轉奏代達謝忱等因前來臣查朝鮮前此變出非常外侮內憂一時交集仰蒙聖謨廣運

命將出師用能扶危定傾保有宗社該國王懲愆前艱痛定思痛

其感戴

朝廷字小之

德固宜沒齒不忘吳長慶治軍素有紀律自駐師海外軍士艱苦
愈甚約束愈嚴於民間無秋毫之犯該國王親軍各營皆請代爲
訓練客主尤爲輯睦一旦分軍內渡自有依依不舍之意朝鮮海
禁初開其守舊黨倭之徒交相煽惑君臣上下驚疑未定今留營
善後賴有袁世凱吳兆有等彈壓照料得臻安謐所陳均係實情
除俟奉到

批旨再行恭錄咨覆外所有該國王感激鳴謝緣由理合據情代
奏伏乞

皇太后

咨

皇上聖鑒謹

王

博

文

恭

摺

奏

為

陳

奏

事

奏稿五十一

奏

謹將朝鮮國王原咨照鈔恭呈

御覽

朝鮮國王爲咨會事倣邦自經前年變亂國步艱難民心渙散其能轉危爲安保有今日莫非我

皇帝陛下眷顧綏靖之

恩暨貴大臣體恤援護之惠亦惟廣東提臺吳軍門宣颺

皇威恤難扶危三載之間民國賴安折奸萌於未然杜外侮於方來威愛互濟功莫與京至若營務處袁世凱分統朱先民黃仕林吳兆有總兵方正祥張光前咸克奮威效力協幹防事一國上下恃以無恐現因中原防務緊要檄吳軍門移兵一半駐防金州竊以軍門西歸今已閱序方期帥節之遄旋以資保後驟聞營壘之撤半實深危懼然而尙有三營仍留善後會辦防務袁中書世凱

奏
公廉明達軍民孚悅吳統領張總兵與之悉心共濟庶可漸次安
謐感幸之極不知攸云移回三營已於本年四月二十九日起程
內渡西望旌旆不勝悵依凡係大小事情理合據實具咨伏乞轉
奏

天陞代達小邦感激鳴謝之忱不勝幸甚專差機器局幫辦李用
俊齋咨前去爲此合行移咨請照驗轉奏施行須至咨者右咨
欽差北洋通商大臣衙門

京城平糶摺

光緒十年閏五月初十日

奏爲遵籌銀款采購米糧運京平糶恭摺仰祈

聖鑒事竊臣接准部咨欽奉光緒十年五月十五日

上諭現在雨澤稀少糧價日貴軫念民生亟宜豫籌接濟茲據通

政使司參議延茂奏請飭提款采購米糧運京平糶一摺著李鴻

章會同順天府妥議具奏另片奏請飭用機器碾磨雜糧等語著

該署督等酌量辦理欽此並准府尹臣咨會前來當卽督飭司道

悉心籌議伏查現在雨澤愆期糧價漸長小民糴食維艱自應展

籌平糶惟延茂原奏提借銀二十萬兩爲數過鉅直隸係缺額省

分上年又大水爲災藩運各庫業因辦理賑濟無論正雜各款羅

掘一空勸集各省捐輸亦因今春工撫動撥殆盡支應局經收北

洋防費絲毫皆歸正用並無閒款近來各省辦防報解日少海防

奏稿五十一
三
喫緊用款日繁竭蹶萬分更無存銀可以挹注惟
京師爲根本重地平糶乃荒政要圖雖現奉

恩旨賞撥京倉米五萬石辦糶備賑仍應設法籌款添購以裕民
食查支應局原存練餉制錢一款歷經奏撥順天直隸山西賑需
均欽奉

諭旨允准有案京糶尤關緊要應卽援照辦理上年派員赴浙追
提浙典承領練餉成本制錢二十萬五千串除應歸還上年借墊
順屬賑需不敷銀二萬三千一百五十餘兩計尙可合銀十萬兩
有奇前准戶部咨令解部現在尙未追齊擬請

旨卽由此款內提撥銀十萬兩先飭司道竭力挪墊遴派廉幹員
董以五萬兩分赴鎮江上海購買大米交招商局輪船分批運津
刻下商販由營口海船運至天津蘆臺雜糧不少價值尙屬相宜

再以五萬兩就近購買玉米高粱麥豆等項向來運糧輪船海船
係在天津交卸若順天委員在通州接收則米糧到通又須盤量
交代應令順天委員先至天津會同津員驗兌押運省一轉折即
少一蝕耗到通後即由順天委員接運至京發局平糶其天津委
員薪水盤費及米糧由津運通水腳等項由直隸籌款給發順天
委員薪水盤費及米糧自通至京腳價等項由順天籌給均准作
正開銷若此後甘霖渥霈糧價平減無須再糶隨時察看截止購
運糶局所收此項價值有無虧折應由順天府核明報銷餘銀就
近解赴戶部交納仍與戶部飭令解部原案相符其米糧進出海
口及經過地方應概免釐稅即行出示曉諭以示體恤而廣招徠
至延茂擬以天津磨麪機器運京碾磨雜糧一節查天津磨麪機
器係商人集貲購買僅止一具磨麪出售前因修換鍋鑪停磨數

月今仍照常碾用並非官本所置亦未同於廢器每日可磨麥二
十三四石所出之麪較尋常磨麪質細色白惟應用煤油暨管理
機器燒火工匠費用頗巨工本重於民磨麪價亦貴於市麪用以
平糶未能合算且安置機器及大烟囪均係用磚就地實砌一經
折動損壞必多運京亦多不便自應仍用民磨碾麪發糶爲宜所
有籌議緣由理合會同兼管順天府府尹臣畢道遠順天府府尹
臣周家楣合詞恭摺由驛覆

奏伏乞

皇太后

皇上聖鑒訓示遵行謹

奏

力籌戰備摺

光緒十年閏五月十三日

奏爲遵

旨力籌戰備詳陳防務情形仰祈

聖鑒事竊准軍機大臣密寄閏五月初九日奉

上諭天津至山海關一帶沿海地段縣長備豫當已嚴密礮臺其若干處著查明詳確情形並將防軍分紮地方某處兵勇若干何人統領山海關防兵是否足敷扼守一併迅速詳晰具奏法人將以兵艦北來意圖要挾北洋防務關係極重李鴻章身膺重任務當力籌戰備與吳大澂會商辦理總期毫無罅隙用紓朝廷廑念之殷等因欽此仰見

聖明思慮豫防綢繆牖戶

指示詳切感悚莫名伏查天津至山海關一帶沿海地段縣長港

漢紛歧斷無處處設防之理惟當於敵舟可以深入登岸處所扼要守險以杜鼠越守口之營兵數不必甚多但以堅守礮臺爲主並分布水雷早雷制其衝突其後路接應之師須有大隊以備游擊庶臨事聲援稍壯而前敵軍心益固臣歷年布置防務率本此意以爲設施直境敵舟可以深入者曰大沽口北塘口爲最要大沽口南岸大礮臺四座周圍小礮臺四十座記名提督大沽協副將羅榮光統協標練兵一千八百人守之親軍礮隊一營爲接應北岸大礮臺二座平礮臺六座記名總兵劉祺統直字兩營守之副將史濟源帶保定練軍一營爲接應另有水雷營專管布設水雷電綫等事並令提督丁汝昌調派鎮中鎮東鎮西鎮北四礮船收入海口與礮臺相依護又令前敵營務處記名提督吳殿元駐沽聯絡將領妥籌戰守月前商飭提督周盛傳督所部挑築長牆

重濠十八里由該營直達大沽以便有警星速馳援北塘口南岸礮臺二座平臺七座北岸礮臺一座平臺三座署廣西提督唐仁廉統仁字義勝各一營通永練軍三營分駐扼守另募專管水雷哨隊並調鎮南鎮邊兩礮船收入海口與礮臺相依護直隸提督李長樂統武毅馬步四營提標練軍馬步二營駐蘆臺爲後應由北塘東北至灤州樂亭昌黎一帶曰清河口曰老米溝曰甜水溝曰蒲河口皆有淤沙數十里攔港潮長不過數尺潮涸僅通民舟輪船斷不得近吳大澂分撥所部親軍礮隊一營步隊一營駐樂亭之黑坨副將劉超佩統鞏字三營駐樂亭甘草坨一帶往來巡哨以防敵乘小舟登岸昌黎之東曰洋河口水勢較深輪舟可泊十餘里外吳大澂派候補直隸州戴宗騫統綏字馬步四營分駐扼守棗棗則山海關最爲險要臣先已派正定鎮總兵葉志超統

正定練軍馬步四營在甯海城老龍頭堅築礮臺惟該處老水貼岸兵輪可泊近處慮難受巨礮叢擊兵力尤單前派前甘肅提督曹克忠馳往察勘必須添隊合紮該提督願告奮勇統帶津勝六營前往分屯關內外威遠城崔家臺大灣馬家店青石溝等處與葉志超互相掎角應援該提鎮老於戎事訓練調度均甚周詳緩急尙有可恃至大沽後路所築新城則有大名鎮總兵徐道奎統大名練軍二營礮隊兩哨與葛沽營守備張曙德練兵一營駐守北塘後路之軍糧城則有記名總兵除邦道馬隊二營扼守天津則有記名總兵黃金志統護衛一營練軍四營三哨都司王得勝帶親兵礮隊一營由臣居中控制而其專備各路援剿者則有湖南提督周盛傳統盛軍鎗隊十一營馬隊五營分駐小站馬廠一帶記名提督劉盛休統銘軍鎗隊十營馬隊一營駐紮興濟鎮總

視海口何處警急卽調赴馳援專爲游擊之師此沿海各處分紮地方及兵勇營數布置防務之詳細情形也各軍所用鎗礮多係後膛新式平日督飭將弁認真操練打靶布陣原備有事時戰守之用此次法人以兵艦倉猝北來意圖要挾度不過遊奕海上虛張聲勢其大船喫水深者不能進大沽北塘各口若欲登岸深入內地決非兩三萬步隊不能得手該國遠在數萬里外調兵須上下集議必數月乃能來華現在越南境內法兵及土兵聞只一萬數千人勢不能全數移調卽使聯踪而至水陸並進臣等兵力雖非甚厚但冀餉需無缺當可設法鏖戰爲

京畿捍衛要衝

臣

惟隨時察酌機宜嚴申紀律明定賞罰俾將士

咸知奮勉共伸同仇敵愾之忱以稍紓

宸廑於萬一所有力籌戰備各情形謹會同會辦北洋事宜通政

使司通政使臣吳大澂繕摺由驛五百里覆陳伏乞

皇太后

皇上聖鑒訓示謹

奏

覆陳後路布置片

光緒十年閏五月十三日

再奉閏五月初十日

密諭山海關一帶後路空虛著於所部防軍內抽調二三營合之
左宗棠所調兩營均交唐仁廉統帶前往扼守北塘防務應派何
員接辦是否可以移紮並著妥籌具奏等因欽此伏查山海關左
右現有曹克忠六營葉志超四營合力布守計可堵扼要衝其後
路昌黎樂亭一帶又有吳大澂所部馬步十營聯絡分紮聲勢頗
壯似覺未甚空虛設將來敵船攻撲甯海城礮壘意圖深入臣擬
派劉盛休銘軍馬步馳往援應攔剿以顧京東門戶目下所部各
營均紮要地實無可抽調之軍且兵分則力單合則勢厚零星雜
湊轉恐難於用命北塘防務關係緊要唐仁廉經營年久仍應責
成布置以收實效至左宗棠所調兩營尙未北來儻法國兵船猝

奏稿五十一
至恐未便由海道裝運應請俟該營到後仍遵前

旨暫行駐紮通州爲後路稍助聲援亦得控制之宜是否有當伏

祈

聖鑒謹附片具

奏

臣等竊查一營又育吳大澂巡撫思求十營詳請
口與旨曹克忠六營東志款四營合以酌量
員缺撫臣否回以對茶並請妥籌具奏等因欽此查山
全宗崇祀備兩營以交津口兼餘帶前所請守北
密爾山礮關一帶對敵空虛善外視前軍內礮馬二
再奉旨正月十日

奏稿對部亦置

光緒十年閏五月十三日

覆奏各口礮臺工程片

光緒十年閏五月十三日

再奉閏五月初九日

上諭旅順口礮臺是否堅實天津至山海關一帶礮臺其若干處
卽著查明詳確情形將直隸口岸及旅順煙臺各礮臺繪圖貼說
呈進等因欽此除旅順口礮臺已於出洋巡閱情形片內附陳大
略直隸各口礮臺若干處於另摺奏陳外查大沽北塘山海關各
礮臺皆逐年用三合土堆造而成工料尙屬堅厚大沽北塘仍就
咸豐年間防營舊基充擴而增益之兩岸沙灘一望無際掘地三
尺卽見水無高阜可倚亦不能添挖地溝其地勢然也所幸海口
淤狹大船巨礮不能駛入軍士定能憑險扼守旅順口黃金山老
虎尾礮壘最得地勢係延德弁漢納根仿照德國新式創建尤爲
曲折精堅各臺壘隨時增修舊存草圖未盡諦當自應另行詳繪

查正任津海關道周馥隨營多年熟諳工程究心韜略前因病給假調理現甫就痊擬飭委前赴各海口會同該將領詳細查勘礮臺繪圖貼說彙呈以便恭進並令該道周歷各口岸聯絡各營將會督地方文武編查民船嚴禁接濟句結等弊以裨防務合先附片覆陳伏乞

聖鑒謹

奏

覆陳使命約文情形片

光緒十年閏五月十三日

再奉五月初十日

密諭前因福祿諾臨行巡邊之言李鴻章並未奏聞亦未告知總理衙門業經降旨申飭現在法使卽以此爲口實並以簡明條約法文與漢文不符藉詞嘗試無理取鬧皆由李鴻章辦理含混所致著責成竭力籌備爲自贖之地等因欽此伏讀之下惶悚萬分查福祿諾臨行時忽以限期退兵之語相要挾臣當卽正言駁斥仍飛函密告雲貴督臣岑毓英廣西撫臣潘鼎新相度機宜酌量進止隨時奏明請

旨辦理緣臣係議約之人與關外相距過遠軍情地勢究以調紮何處爲宜非敢遙度其時適因所議簡約雖蒙

聖明曲諒而都人士嘖有煩言若聞福酋又請限期退兵必更譁

譟徒惑眾聽臣又明知事難照行而約款未可遽背欲令岑毓英
潘鼎新查照調回邊界約文自行斟酌妥辦實具委曲求全之苦
衷固未敢據以上

聞致干

聖怒亦未立即告知總理衙門疏忽之咎誠所難辭迨潘鼎新以
電報請示臣即飛告總署屬其請

旨定奪昨又將當日面駁情節詳細函達總署法使即藉爲口實
而臣並無允即調回之詞可以互證其質實無絲毫含混至謂條
約法文與漢文不符似係旁觀挑釁之論臣本不識洋文稅務司
德瑾琳道員馬建忠素精法文皆欲成就此事臣原令該員與法
領事法蘭亭等再三校對據稱並無舛謬自來各國訂約必聲明
以洋文爲正非獨此次法約爲然而嗣後彼此辨論又往往以漢

文不符兩相齟齬此總理衙門與臣等所歷辦而深知者誠如
聖訓無理取鬧不過臨時多一辨駁究其大旨亦無甚出入也惟
是此次越境觀音橋接戰獲勝之後法人藉詞要素所欲甚奢殊
難甘心就範臣斷不敢狃於和議辦防疏懈而環顧大局恐竟無
收束之法殷憂彌切負疚更深謹附片據實瀝陳伏乞

聖鑒謹

奏

練軍剿匪獲勝摺

光緒十年閏五月二十五日

奏爲遵派古北口練軍出口剿匪及宣化練軍連次獲勝情形恭摺仰祈

聖鑒事竊臣欽奉閏五月初九日

寄諭繼格奏匪首楊步瀾等在熱河建昌縣滋擾現竄至圍場邊境盤踞著李鴻章李長樂刻卽調撥古北口練軍迅速前往會同剿辦等因欽此臣卽飛咨李長樂趕緊調撥於十一日奏報剿辦多倫附近匪徒宋敬思等摺內陳明在案旋據李長樂覆稱先接熱河都統繼格咨會已派提標中軍參將許春浦選帶古北口練軍步隊五百名又由蘆臺抽調馬隊一哨剋日馳往會剿並探得多倫附近匪徒卽有前在建昌之匪首楊步瀾等在內似楊步瀾等已與宋敬思等合股又據宣化鎮總兵王可陞稟稱派赴多倫

勦匪之練軍馬隊營官郭萬隆等探聞匪徒已聚至一千五六百人內有王姓爲首撲犯經棚卽於閏五月初五日出隊迎勦該匪佔住經棚附近三義泉畢流溝一帶恃眾鷓張抵死相拒遂併力衝殺自辰至申共斃匪五百餘名奪獲旗幟鎗刀馬匹多件我兵亦受傷十餘人初十日追至白岔坤兌川青龍背又與接仗斃匪數十名餘眾分路逃竄現仍追勦等情前來臣已欽遵

諭旨卽飭王可陞於二十一日出邊親往督辦並令派去各軍查明匪首楊步濤與宋敬思等是否合股務卽分路追勦將首要悉數擒治匪黨剋日殄除其有被脅飢民仍設法解散妥爲撫戢暨分飭各屬合力捕辦以靖地方外所有遵派古北口練軍出口及宣化練軍在邊外勦匪連次獲勝緣由理合會同提臣李長樂恭摺覆陳伏乞

皇太后

皇上聖鑒謹

奏

淮軍修造師船片

光緒十年閏五月二十五日

再淮軍水師營哨各船每屆釘造大修以及隨時修整向由江南船廠勘驗興工由廠自行報銷前因春字水師十船已屆釘換之期經前兩江督臣左宗棠以非江蘇留防水師應改由淮軍糧臺核辦當行據江南船廠委員錄送造銷成案並聲明造辦船隻工料曾由前兩江督臣沈葆楨奏准以光緒二年報銷作為定章等情前來查核新釘船隻連篷布及完關稅計長龍每號工料共銀六百四十七兩二錢六分二釐舳板每號工料銀二百二十七兩四錢八分又修整舳板每號工料銀一百數十兩八團領江各船修費每號四百餘兩現在淮軍水師駐防直隸天津並分駐山東濟甯江蘇清江瓜洲揚州一帶往來操巡護運共長龍四號舳板八十三號其修造各工若專設船廠又多糜費經臣飭令各該營

哨自行核實妥辦工竣報明派員驗收所有釘造新船應用工料
只准按照船廠成案銀數支發造報不得逾於向來釘造銀數至
大修一項亦應予以定數除本色帳篷油艙經費按年造報准銷
有案仍循舊照發外每屆大修長龍每號酌給銀一百兩舳板每
號酌給銀八十兩較江南船廠修費成案有減無增其釘造修整
各年限凡分駐山東江蘇等處操巡護運各船以屆期九年釘造
新船一次三年大修一次惟駐天津朝鮮各海口師船因北地與
南省不同一交冬令烈風堅凍且海水味鹹船身板片最易損傷
艙縫朽壞應改爲六年一造兩年一大修俾期堅固而利防剿現
改歸淮軍案內初次造報應照新章

奏咨立案據報銷局司道具詳前來臣覆核無異除將光緒九年
分淮軍餉內動給釘造各船工料用款及發過修費銀兩先行列

入季冊報部隨後彙案請銷外理合附片陳明伏乞

聖鑒敕部查照謹

奏

吳長慶請卹摺

光緒十年六月初二日

奏爲統兵大員積勞在營病故謹臚陳事蹟請

旨優卹恭摺仰祈

聖鑒事竊廣東水師提督吳長慶前於奉天金州防次患病經臣
疊次奏蒙

賞假在營調理茲接該提督咨稱日來病勢增劇自分此身萬無
生理伏念長慶束髮從戎受

恩至渥圖報未能一死誠不足惜第當此時局多艱遽填溝壑雖
在重泉齋志無已所有恭謝

天恩遺摺片各一件咨請代爲奏遞並據慶軍營官黃仕林等稟

報吳長慶於閏五月二十一日辰刻出缺等情臣查吳長慶籍隸

安徽廬江縣其父吳廷香由優貢就選教職在籍辦團以義聲倡

率鄉里粵匪陷廬江廷香死之吳長慶痛父殉難誓與髮逆不共
戴天糾合鄉團屢助官軍攻勦同治元年臣督師赴滬稔知吳長
慶忠勇邁倫令募帶慶字三營相從東下協同各軍克復柘林南
匯金山奉賢等城旋移師入浙進攻嘉善嘉興乍浦平望湖州長
興等處皆克之其尤嘖嘖人口者嘉興之役吳長慶帶隊徑薄城
下賊以鎗礮連環轟擊彈如雨集肘骨皆穿猶復裹創血戰奮不
顧身用能立拔堅城以疏通由蘇達浙之路迨臣督師勦捻吳長
慶復統步隊八營馬隊三營隨同北渡轉戰於山東江蘇直隸河
南境內無敵不摧東西捻股蕩平累保記名提督並蒙

賞給瑚敦巴圖魯勇號

賞穿黃馬褂嗣以江淮一帶戎備空虛復調該軍南駐徐州旋移
紮江甯於下關浦口烏龍山江陰等處創築礮臺挑濬河道水利

江防百廢具舉歷任兩江督臣馬新貽李宗羲沈葆楨劉坤一皆倚之如長城光緒六年海防戒嚴吳長慶奉幫辦山東軍務之

命復自江南親率六營移駐登州數年之間疊承

恩命由直隸正定鎮總兵洊擢浙江提督調補廣東水師提督八年六月朝鮮內亂燬及日本使館日人以兵船駛入仁川維時該國內外交訁羣情洶洶宗社安危之機閒不容髮吳長慶拔隊渡遼疾馳赴援數日閒獲致亂首人心始定旋奉

俞旨褒嘉

賞三等輕車都尉該提督感激

恩施留駐鎮撫約束嚴明朝鮮銀賤錢荒百物昂貴將弁士卒艱苦萬狀毫無怨言蓋不私貨財故緩急能以相諒不避艱險故患難樂於相從其所以致此於部曲者良非偶然而該提督勞身焦

奏稿五十一
思亦遂寢成痼疾矣平日訓練餘閒惟以經史自娛澹泊寡營雅歌不輟擬之儒將庶幾無愧今春奏令撤帶三營內渡籌辦金州海防朝鮮君民感頌遺愛不置方今時事多艱將材難得如吳長慶者可爲干城腹心之選報

國丹忱齋恨入地悼痛曷任當此鼓輦思將之時定有帷蓋

推恩之舉合無仰懇

天恩敕部照提督軍營病故例從優議卹並將戰功事蹟宣付史館立傳以彰忠蓋至於建祠

予諡諸曠典出自逾格

仁慈非臣下所敢擅請而該提督勲績卓越實非尋常將領可比今以死勤事未便湮沒不以

上聞除將遺摺各件據咨轉奏外所有吳長慶在營積勞病故籲

請優卹緣由理應恭摺具陳伏乞

皇太后

皇上聖鑒訓示再吳長慶長子附生吳保德次子文童吳保初均
年已及歲合併聲明謹

奏

夫孝天之經也地之義也民之行也
天地之經莫大於孝
民之行莫大於孝
先王之法莫大於孝
君子之德莫大於孝
孝之於德猶天之有日也
猶地之有財也
猶民之有君也
猶水之有源也
猶木之有根也
夫孝天之經也地之義也民之行也
天地之經莫大於孝
民之行莫大於孝
先王之法莫大於孝
君子之德莫大於孝
孝之於德猶天之有日也
猶地之有財也
猶民之有君也
猶水之有源也
猶木之有根也

吳保初剜肉療親片

光緒十年六月初二日

再據慶軍營官記名提督黃仕林等呈稱吳長慶次子文童吳保初年甫十六聞父病星夜自廬江本籍馳至金州省視昕夕侍奉寢食俱廢閏月初見長慶病篤醫藥罔效夜分人靜潛禱於神割心膾肉兩片和藥以進旁人窺其神色慘沮衣有血痕再四堅詢始以實告迨長慶病歿保初號泣失聲悲感行路該提督等目擊情形同聲矜歎不忍聽其湮沒呈請奏懇

旌表前來臣查該文童吳保初天性肫篤閒關跋涉剜肉療親出自童年尤堪嘉憫相應

奏懇

恩施

准其旌表以彰孝行伏乞

聖鑒

敕部施行謹附片具

奏

自軍中其...

奏奉前來臣查...

所派同德...

臣以...

亦...

亦...

臣...

臣...

臣...

遵賞各營丹藥摺

光緒十年六月十五日

奏爲欽遵

懿旨分賞各營丹藥恭摺叩謝

天恩仰祈

聖鑒事竊臣承准軍機大臣字寄光緒十年閏五月二十八日奉
上諭欽奉

慈禧端佑康頤昭豫莊誠皇太后懿旨現交炎暑各省防軍荷戈
從役塵念殊殷前經分賞江南等省各營御製平安丹著再賞給
直隸各營二十匣及奉天海口防營十五匣交李鴻章傳旨分賞
其奉天各營卽由李鴻章轉發欽此該署督務當仰體

慈恩加意拊循俾各知感奮以壯戎行等因欽此仰見

聖慈軫念戎行無微不至欽感莫名當卽恭設香案率同各營將

士望

闕叩頭謝

恩並恭錄

諭旨傳知直隸各統領營哨官謹將

御賜平安丹二十匣分給祇領其轉發奉天海口防營十五匣並

交輪船由海道敬謹齎送一律領訖臣維古聖王命將出師類多

敘其勞苦作為詩歌以相慰勉其視將校部曲常有家人骨肉之

恩疾痛寒暑無一不縈於念慮故士皆感激思奮慷慨赴敵以效

命疆場克奏膚功也方今法虜披猖海疆告警直隸及奉天防營

分紮北洋各口海濱地勢卑溼加以溽暑薰蒸該將士等昕夕操

防馳驅於驕陽烈日之中巡徼於苦雨炎風之際疫癘繁興呻吟

間作仰蒙

皇太后

皇上痼瘵在抱

頒賞金丹欽遵分給調治沈疴立起功效異常該將士等犬馬餘生仰賴

九重再造之

恩得以保全性命莫不枕戈待旦感奮前驅捨身圖報臣惟有恪遵

聖訓加意拊循務期眾志成城同仇敵愾以仰答

高厚生成於萬一所有欽遵

懿旨分賞丹藥感激下忱謹繕摺叩謝

天恩伏乞

皇太后

皇上聖鑒謹

奏

臣等伏以

聖德

...

...

...

...

...

...

...

...

陵樹撥銀展限摺

光緒十年六月十五日

奏爲遵查

西陵二限樹株尙須澆灌擬每歲由直撥銀二千兩再行展限三年恭摺仰祈

聖鑒事竊准戶部咨開議覆守護大臣載卓等奏

慕陵

慕東陵二限樹株澆灌經費仍難停減請撥款應用一摺應由臣派員前往查勘此項樹九千五百餘株是否全數蔥茂其澆灌經費每年實需若干能否於前定三千兩之數再從節省抑或竟於澆灌初限經費內通融勻濟無須另籌款項覆奏辦理等因奉旨依議欽此當派候補道高驂麟前往詳確查勘茲據該道稟稱往見守護大臣並晤樹工處司員先行詳詢據稱

慕陵

慕東陵風水樹株原議本分四限添種因各山多係砂石當時栽種初二限樹株係刨去石塊換填黃土地中潤氣不能上達若遇天時乾旱澆灌失時卽虞黃萎且各山距水旣遠山徑崎嶇費工多而得水少與他處土脈情形不同承辦頗形竭蹶是以前將三四兩限樹株奏請緩辦該道當與司員恭詣各山詳細履勘並察核案卷所言尙係實情所有二限樹九千五百餘株現時全數蔥茂惟正資澆灌長養經費勢難裁停據該司員聲稱初限添種樹八千一百餘株與二限相差不過一年亦須勤加澆灌若遽將初限經費勻濟二限應用兩處必皆不敷恐將來均行黃萎蔭護攸關未敢率擬該道復與切實籌商設法樽節擬俟冬令澆灌時將初二兩限歸併酌量減水每年可省銀一千兩而於樹株無礙請

以每年二千兩再展限三年等情臣查二限樹株係同治十年添種光緒三年以前澆灌銀兩由部給發嗣經部臣奏明自光緒四年起每年由直隸藩庫撥銀三千兩以三年爲限迨限滿後復經守護大臣奏請展限三年扣至光緒九年展限屆滿今又奏請再展三年每年仍須銀三千兩此項澆灌經費本應廣恩庫給發與直庫無涉直隸向係缺額又值災歉頻仍用款繁巨誠如部議實有自顧不遑之勢且已籌撥六年之久亦屬後繼爲難惟事關陵寢風水旣稱地多砂石尙須澆灌經費未可裁停亦何敢稍分畛域應請如該道及樹工處司員所議減去銀一千兩每年撥銀二千兩再行展限三年飭由藩司陸續設法通融撥濟俟此次展限滿後照案停止另由守護大臣自行籌款辦理所有勘議緣由理合恭摺覆

奏伏乞

皇太后

皇上聖鑒訓示謹

奏

[The remainder of the page contains extremely faint, illegible text, likely bleed-through from the reverse side of the document.]

易州旗丁試辦蠶桑片

光緒十年六月十五日

再據候補道高駿麟稟稱此次奉差前往易州晤該州知州鄒振岳詢知署中種桑養蠶並下其法於民間漸興美利嗣與

西陵各司官討論公事該司員等備言旗丁貧苦額支錢糧僅敷當差不足贍養家口閒散人丁毫無生計卽

陵部司員向例不派外差別無陞遷之路生齒日繁亦多坐困該道恭查

西陵各山除內外圍界內不准種植雜樹此外口門以內空曠宜樹之地不少本無禁種之例因與語及蠶事據稱旗丁婦女從前曾有育蠶之家以浴種繅絲俱未得法旋作旋輟今聞州署蠶桑著有成效人情頗爲踴躍曾擬自集貲本購買桑秧試辦惟係官地恐致互相爭競或服勞而無所獲或攘利而無所懲是以中止

該道以該司官等既有自行集貲試辦之意若因勢利導安定章程但須明示勸懲並不動用公款從此逐漸推廣利源日興於旗丁生計不無小補正與

列祖

列宗貴農重本圖耕圖織之訓相符現值該州蠶絲有效轉相師法事益易成等情具稟請奏前來臣查該道與該司員等所擬自集貲本試辦蠶桑爲旗丁推廣生計不爲無見擬請

敕下守護大臣察酌於內外圍界外可種之地督飭量力舉行謹附片具

奏

整頓蘆鹽摺

光緒十年六月十五日

奏爲遵議蘆鹽事宜分別整頓辦理恭摺具

奏仰祈

聖鑒事竊准戶部咨開奏請整頓各省鹽務一摺又鹽務公費飭照銷鹽成數給發一片光緒九年十月二十七日奉

旨依議欽此鈔單咨行到直遵卽督飭長蘆運司額勒精額詳稽案牘熟察情形通盤妥細籌議茲據該司詳稱戶部原奏裁浮費以清本源一節查陋規浮費爲累商虧課之漸疊經曾國藩及臣隨時批行禁革上年又將該司應得之款除廉俸辦公兩項外一切雜費全行裁除其商交各項解費及領告項下支發各款冗費亦卽酌量減裁將裁去銀兩統歸節存每年提解京員津貼銀三千兩餘銀分給各商撥抵正課並通飭所屬鹽官及行銷蘆鹽各

州縣營查明如有商人交款除向章必不可少者照舊外其餘一律裁革嚴禁胥吏人等藉端勒索違則分別參辦又原奏包重者改歸舊制俾免佔礙銷路卽設法減輕成本以保正課而復原額一節查長蘆額引從前九十六萬六千四十六道每引築鹽僅止三百餘斤商交課款不過一兩一二錢今雖減贖引六十六萬二千四百九十七道而每引重至五百數十斤合計浮於九十六萬餘道每引三百斤之數課款至二兩數錢亦倍於一兩一二錢之數鹽包旣重實足佔礙銷路但欲減斤必須減課方爲持平辦法查蘆商交款凡可停緩者業經曾國藩及臣節次奏蒙

恩准所有現交之款均關解支要需值此時事艱難內外交窘欲再減商交課款則餉項必致愈絀欲專減引鹽斤重則商累益覺難支輾轉籌思均多窒礙況值旱澇靡常運銷遲滯物產艱貴銀

價增昂皆不免虧賠折耗時勢使然非人力所能強制惟有就現
行引鹽應徵課款隨時設法嚴催期於公家有益而於商本無損
又原奏捆運各商在懸岸行銷無定地亦無定額其未捆運之處
引岸任其終懸課額永難規復剋期招商改爲認運一節查長
蘆懸岸道光二十八年清查時計有四十四處數十年來未能一
律招商認辦光緒九年前運司如山任內尙有直省之開州元城
永清衡水邢臺隆平唐山鉅鹿南和任縣柏鄉深澤平鄉曲周雞
澤肥鄉廣平成安東明長垣豫省之扶溝延津祥符鄆陵杞縣洧
川太康鄆城等二十八處均有官商認捆詳定銷鹽成數並未任
其終懸惟因私充銷滯未能按年悉照定數領運該司認真釐剔
如開州元城扶溝三處稍可整理已令商人德興裕詒德全德照
額認辦取結咨部其永清等二十五處屢經勒催多方開導據該

官商瀝陳艱苦情形均未能勉遵辦理又經出示招認迄今年餘無過問者推求其故實因疊遭兵燹災荒人民流徙或額引本多口食有限或硝鹽徧地官引受充以致銷數大減驟難整頓既無他商接認若勒令現捆官商包額勢必紛紛告退轉致虛懸無著課款有虧該司已將捆運成數酌量加增飭令按年領運惟恐嗣後藉端諉卸領運不能及數且鹽包抵岸多發民販並不設店分銷亦慮引岸廢弛益難收拾不若改捆爲認以專責成查永清等二十五處其懸引九萬七千四百二十七道內商人義源捆運永清縣引一千二百道紹德恆捆運衡水縣引六百道義泰公捆運邢臺縣引五千道隆平縣引六百道唐山縣引二百道鉅鹿縣引二百道南和縣引九百道任縣引一千二百道柏鄉縣引七百度日昌捆運深澤縣引六百道信昌捆運平鄉縣引二百二十道曲

周縣引一千道雞澤縣引二百八十道懷德捆運肥鄉縣引一千
二百道廣平縣引一千一百道楊成源捆運成安縣引一千六百
道德興裕捆運東明縣引一千道長垣縣引二千二百道和豐捆
運延津縣引四百五十道福泰捆運祥符縣引六千道鄆陵縣引
二千道振德捆運鄆城縣引一萬道候補運同嚴信厚捆運杞縣
引六百道洧川縣引六百道太康縣引八百道均係近一二年閒
設法勸令竭力加增始及此數統計捆運引四萬二百五十道尙
懸引五萬七千一百七十七道雖捆數自一二成至六七成不等
未能一律然合計已在原額四成以上擬照現定捆運成數飭各
商改爲認運取具保結咨部立案不准少捆仍督令實力經理設
店分銷以期逐漸加增規復原額又原奏停外引十萬道光緒九
年限滿停京引二萬道光緒十年限滿及此妥議良法屆時毋再

請展一節查長蘆額引爲數本多雖疊奉提繳減停但鹽包節次
增重計現行六十餘萬引之鹽實浮於原額九十餘萬引斤重之
數民間食用有常餘鹽無處銷納況直豫地多鹵滷百姓慣食硝
鹽又兵燹災荒之餘戶口凋殘銷數益滯庫存歷年積引多至九
十餘萬道未能疏通實無良法增益新引且規復停引原爲免虧
課銀惟從前課額每引僅完銀四錢數分至五錢零道光元年二
十一年兩次減引十八萬三千五百四十九道並未減課仍按原
額九十六萬六千四十六道攤徵每引完銀至六錢數分至道光
二十三年減引十萬道同治九年減京引二萬道始行減課是現
引雖止六十六萬二千四百九十七道其實仍完八十四萬六千
四十六引之課則徵數已不爲少矣所有原停外引十萬道上年
已奏准部覆展限三年無庸置議其停京引二萬道勢須一併推

展屆時再行詳奏又原奏鹽務公費飭照銷鹽成數給發一節查長蘆鹽務局面本不如他省之寬博所有督銷各州縣營向無給發公費應無庸議再查光緒八年鹽引奏銷案內將無鹽督銷各州縣營照章聲請免其考核部議仍令照未完分數補行題參惟長蘆引岸本少暢銷之區嘉慶以前每引僅築鹽三百餘斤課款無多運費較省地方完善口食增繁每年應銷引鹽尙不能領運如額道光以後鹽包節次增重課款倍增運費繁巨地方又疊被災荒人民流徙銷數日滯直豫產硝之地多屬不毛小民完糧辦差舍熬曬別無生路與山東梟匪大幫興販者不同此等窮民就地取鹽餬口情甚可憫若概行禁絕必致激成事端盜賊蠡起是以歷年以來該地方官僅能酌將硝池平毀未敢操切從事係爲保全商民兼顧地方糧額起見且照章免參者實因商人無鹽運

往並非州縣督銷不力若補行題參各官必致藉口似非事理之
平應請仍行免參該司現核定各岸月銷引鹽成數通飭州縣營
按月造冊呈核如實在銷不足數卽融與暢岸代銷不准再任積
滯並督飭嚴整捕務妥爲緝禁硝私以冀漸有起色仍照道光二
十八年奏定章程如係商人無鹽運往州縣無憑督銷應罪坐商
人將州縣免其考核儻引地存鹽莫售查係州縣督銷不力卽將
該州縣隨案參處以期核實而昭公允至舊欠商課仍察看設法
催徵等情具詳前來臣查所詳均係實情復通盤籌計嘉慶以前
長蘆額引九十六萬六千餘道每引三百餘斤約共合三萬萬斤
今雖額引六十六萬二千餘道而每引五百數十斤約共合三萬
數千萬斤是應銷鹽數實較多於前矣從前每引課銀四錢數分
至五錢零其應徵課銀四十九萬餘兩今則每引課銀六錢數分

共應徵課銀及銅斤坵租河工等項四十五萬餘兩又應徵軍需復價銀約二十萬兩榮工加價銀五萬兩雖有加價之名而商入賣鹽礙難照加否則官不敵私統計應徵銀約七十萬兩其攤賠各衙門帑利王范滿垣租息欽天監息款等項銀三十餘萬兩尙不在內是應徵銀數實加增於前矣銷數徵數旣較舊制爲盈自應督飭運司仍就現在應行引鹽應徵課款隨時隨地設法整頓實力維持但期戶口增繁水旱不作冀可逐漸展舒免虧現額所有遵議辦理緣由理合據實覆陳伏乞

皇太后

皇上聖鑒敕部查照謹

奏

士學聖道精查研

太古

詩以類賦也賦曰賦會

河代琳賦曰賦曰賦會

賦會也聖曰曰賦會

不亦內皇親婚與婚

晉漢門帝賦王亦流

真聖親親賦也否謂

因聖贈贈一千種

其親也

請撥江漢關洋稅摺

光緒十年六月十八日

奏爲淮軍月餉萬分支絀軍士懸釜待炊請將江漢關應解額款於四六成洋稅項下通融勻撥以顧近畿要防恭摺仰祈聖鑒事竊查淮軍月餉專指江鄂各省關撥解別無來源其每月應解銀數皆係欽奉

諭旨飭撥不准延欠膜視本年四月戶部代催江海關應解淮餉案內聲明淮軍多半駐紮直隸各海口拱衛

畿輔根本重地當此操防喫緊軍餉要需豈容一日缺乏應嚴飭關道將現在應解月餉務須按月解清不准絲毫延欠並將歷年欠解銀兩竭力籌解等因咨行遵照在案茲查湖北江漢關每月應解淮軍專餉四成洋稅銀二萬兩六成洋稅銀三萬兩共合五萬兩四成項下之款已解至本年五月止六成項下之款則自上

年七月起至本年六月止欠至十三箇月之久合銀至三十九萬兩之多疊經臣咨行切催仍未報解據該關道惲彥琦稟稱因六成洋稅指撥繁多入不敷出異常竭蹶等情臣維軍餉爲計口授食要需誠如部議豈容一日缺乏況值法人構釁海防戒嚴畿輔根本重地尤關天下全局正督各軍實力操防嚴備戰守斷難枵腹荷戈惟江漢關所稟六成洋稅入不敷出自係實在情形若必責令於六成項下解足徒事追呼仍無實濟查該關四成洋稅及五成二釐招商局稅爲數尙多同係該關之款應可通融勻撥值茲防務喫緊之際必須餉項及時籌給方足維繫軍心責以馳驅效命近因沿海各省辦防應解淮軍月餉報解益少來源枯竭後路轉運局僅存銀十餘萬兩不敷一月支放之情形岌岌實爲向來所無臣責任要防莫名焦慮伏念他省請撥軍餉疊蒙

諭旨允准並撥部帑接濟誠以餉需爲軍士命脈勢不可緩

朝廷慎重征防體恤士卒欽感同深近畿防務旣較他省尤重

又處貧瘠之地並無別款可籌事機緊迫深恐貽誤惟有籲懇

天恩俯念淮餉萬分支絀軍士懸釜待炊准將江漢關額撥六成

洋稅項下月餉銀三萬兩嗣後如遇六成無款卽改撥四成洋稅

及五成二釐招商局稅務須按月如數解足

敕下湖北督撫臣轉飭該關道遵照辦理不得再有延欠並將欠

解上年七月至本年六月餉銀於四六成項下竭力通融勻撥迅

速分批解濟以贍飢軍而維大局臣爲近畿要防待餉急切起見

理合恭摺由驛瀝陳伏乞

皇太后

皇上聖鑒訓示施行謹

奏

臣等謹將...

臣等謹將...

臣等謹將...

臣等謹將...

臣等謹將...

臣等謹將...

臣等謹將...

查覆口外剿賊情形摺

光緒十年六月二十三日

奏爲遵查口外賊數無多圍場尙無裹脅之眾擬就已派各軍搜剿無須添撥兵隊前往恭摺覆陳仰祈

聖鑒事竊臣欽奉光緒十年六月初九日

寄諭聞圍場竄賊裹脅日多恐致滋蔓著李鴻章迅卽飭屬偵探確切情形如該處兵力不敷剿辦卽由防所抽撥數營前往將此股匪徒趕緊撲滅不得稍涉遲延一面卽行奏聞等因欽此遵查蒙古克什克騰旗魚泡子地面游民聚眾滋事前據宣化鎮總兵王可陞及多倫廳協稟報卽派宣化練軍馬隊七哨古北口練軍步隊一營馬隊一哨馳往與多倫原有練軍馬隊一營分投剿辦並飭王可陞另帶隊伍出邊督辦已在經棚附近畢流溝一帶斃匪五百餘名續在三義泉青龍背坤兌川一帶斃匪一百六七十

名熱河等處官軍亦有擒斬並獲匪首暨由各地方官民勦獲匪黨多名其被脅之眾疊飭設法解散妥爲安撫餘匪似已無多惟各處未審賊情往往張大其詞探報未實宣化鎮王可陞老於兵事熟諳機宜現既親赴前敵當於奉

諭後飛飭審察各路確切情形酌度彼此形勢是否裹脅日眾現有各軍能否敷用應否添撥數營妥細籌覆茲據王可陞稟稱此股匪徒起事原有圍場馬賊聞風竄出勾結裹脅遂致數日之內爲數逾千迨疊次擊斃解散除王端仁一股竄往蒙古游牧地面外其逃至圍場者僅有零匪該鎮接古北練軍營官參將許春浦函稱帶隊至圍場東北一帶搜查均無賊蹤現赴西圍搜查多倫廳亦有兵役前往協查尙無裹脅滋蔓之事至竄入藍旗游牧之王端仁一股除帶傷奔竄沿途擊斃外所餘無多前飭營官郭萬

隆譚興魁隨帶餼糧跟蹤追剿該匪已由阿巴噶香臺地什巴爾
臺搶糧換馬竄至蒿齊忒王旗該旗與阿巴噶烏珠穆沁克什克
騰巴林四旗犬牙相錯其王公各不相屬亦不隸熱河察哈爾管
轄均不知集兵堵禦任賊游奕搶奪我軍入旗遠追苦於地名譯
音無定履覓蒙人引路則畏葸潛逃追逾數日馬力疲乏行糧告
罄又不便就食蒙古現探賊入烏珠穆沁界內已飭譚興魁率軍
截其東北之路並令郭萬隆及翼長羅大勝各帶隊伍分路兜剿
該鎮前因被裹飢民其情可憫若申痛剿之令轉恐安心爲盜固
結不解遂逐處出示曉諭解散現在反側漸消多倫白岔一帶雨
澤霑足秋稔可期擬俟王端仁一股剿滅酌留官兵彈壓巡緝不
必另添軍隊至匪目周沅得馬洛八張朋等犯訊據獲匪供稱均
在王端仁股內接仗時曾有受傷逃散後存亡未卜其宋敬思宋

學士二犯歷次獲匪均未供有其人諒係熱河員弁原探未確楊步雲聞已逃往奉省陳瀉潰亦無其名容再確訪飭拏等情並據參將許春浦稟稱該將帶隊進圍查得東北一帶往年盤踞賊匪之木司土野豬窩灣灣溝亮兵臺紅石巒等處均無賊蹤現往西圍搜查並據熱河道富華稟稱圍內匪徒業已逃竄其赤峯縣北路葦塘等處並無餘匪至前次竄入豐甯縣大灘之賊曾獲溫翠淋等訊係王端仁股內旋即西竄約計一百數十名經宣化等處官兵擒獲七八十名餘匪棄馬擲械逃竄現仍追拏等情前來臣查核王可陞等來稟大致相同現在賊數無多圍場亦尙無裹脅之眾前派去宣化古北口並多倫馬步練軍已有一千數百名又有熱河察哈爾官兵可數兜截刻值海防喫緊本難抽撥前往自毋庸再行添派俾免兵多號令不一互相諉誤仍飭王可陞督率

所部迅將王端仁一股設法剿滅此外如有敗匪潛遁亦卽會商各軍分投捕治勦撫兼施務將匪首王端仁周沅得等盡數擊散勿任餘燼復燃其圍場以內現經參將許春浦暨熱河練軍分路搜查應令實力多辦惟圍場周環千餘里地方空闊素爲盜匪出沒之區難保並無伏莽客軍僅能濟一時之急必須責成圍場同知營汛會同圍場總管設法布置防範隨時認真搜查巡緝庶足以杜亂萌至口外各屬客民多係直東無業之徒陸續前往或開墾荒地或小貿營生易於裹脅尤宜分別良莠妥爲安插不可使其失所或陵偏殘害轉致激而生事此次魚泡子之眾係因蒙古不令捕魚並殺斃多人遂藉復仇爲名頓生變亂可爲前鑒昨新任熱河都統謙禧過津臣與商論及此謙禧擬俟到任後察核辦理其多倫各屬客民由臣督飭地方文武妥辦至王可陞解散脅

奏稱五十一
從逐處張貼告示保全頗眾謹將其告示錄呈

御覽仍令該鎮俟勦辦王端仁一股後再行察看情形將隊伍分別撤留所有口外無須添撥兵隊緣由理合恭摺由驛覆陳伏乞
皇太后

皇上聖鑒訓示謹

奏

覆陳商局輪船暫售美國摺

光緒十年六月三十日

奏爲法人開豐商局輪船恐被劫奪經商董等密籌照西國通例暫售與美國旗昌洋商以保成本議明俟事定收回恭摺密陳仰祈

聖鑒事竊

臣接准總理衙門密電六月二十五日奉

旨從前設立招商局置買輪船係奏明辦理現聞售於美國李鴻章何以未經具奏殊屬非是海上轉運全恃輪船此舉自因恐爲法奪起見究竟是否出售抑暫行租給著據實奏聞並隨時酌奪情形設法收回欽此伏讀之下悚惕莫名臣查招商輪船局本仿西國公司之意雖賴官爲扶助一切張弛緩急事宜皆由商董經管至與外人交涉權變之處官法所不能繩者尙可援西例以相維持自本年閏五月間法酋統率兵艦來華恫喝肆擾海疆不靖

局勢曰非華商輪船二十餘艘駛行洋面日有戒心法人徧布謠言遇船劫奪船貨成本太重懼遭不測之險南北商旅咸以搭儼局船爲戒彼蓋視招商局輪船與船政煤礦同深覬覦者也若轉運官物兵械等件既無鐵艦護持必爲敵船阻截卽使假借他國之旗斷難冒險行駛若將船隻避泊口內局董唐廷樞又稱久停則船身機器必致傷損一切養船經費商力亦不能空賠於是滬上紳商私相籌議外洋商務皆憑律師主持遂密邀招商局素雇之英國公正律師坦文細查各國律例成案凡本國商船改換他國旗幟須在兩國未開衅以前黑海之戰俄商皆懸德美之旗有二艘換旗於戰事三日前遂爲法人所奪復有二艘易旗於戰前暗立售回之據亦爲英國所奪布法之戰兩國商船多售與他國易旗駛行事後仍復原業若暫行租賃則非實在轉售他國必不

能保護此萬國通行之公例也先是唐廷樞在滬議交英商怡和洋行換旗代辦担文則謂英律煩苛難罄美律簡易易從美與中國交情較厚應換美旗爲妥適有美國旗昌行主願將招商局產悉照原值價銀五百二十五萬兩統歸該行認售該行以銀票如數抵給他日事定將銀票給還收回船棧權操自我仍可改換華旗道員馬建忠素習洋文熟諳公法前委赴滬會查招商局務該員就近與担文及旗昌反覆商論担文力保中法事定可以原價收回旗昌亦誓言決不失信故於價值亦不計較馬建忠偵知法事叵測遂毅然決然獨肩其責因與眾商定議訂立合同將各船棧暫交旗昌代爲經管換用美國旗幟照常駛行兩面所押契據銀行期票與收票按照西國律例均交律師担文收執日後藉以爲憑是戰前商船換旗出售爲各國常有之事中國雖屬創見而

眾商爲時勢所迫亦屬萬不得已至將來收回關鍵馬建忠惟担
文是問眾商惟馬建忠是問節節鈐制斷不容稍有反覆也當法
使議約未成之際軍書旁午臣雖知商船暫換美旗而未悉其詳
是以未遽入

告且此等事件華商與洋商交涉彼此全憑信義律師既援西例
擔保而官長卻未便主議外侮橫加商情惶迫數千人身家關係
而官無法以保護之更無力以賠償之商人自設法保全成本官
尤未便抑勒好在各省公款八十餘萬商本四百數十萬皆有著
落事竣可以操縱自如但冀法約早定船棧照議歸還中國商務
復興更無喫虧之處惟聞法人四處偵探總疑商局輪船並非實
售與美尙思援西例以乘閒攫拏俾爲軍用美國官商亦惴惴焉
相與隱諱竭力保護此中機括尙求

聖明默鑒而曲原之所有商局輪船暫售美商議明事定後收回各緣由謹由驛據實詳切密陳伏乞

皇太后

皇上聖鑒謹

奏

Faint vertical text columns, likely bleed-through from the reverse side of the page. The text is illegible due to fading and low contrast.

李文忠公奏稿卷五十